

Language: Ruruuli-Runyala

Book: Matthew

Matthew

Chapter 1

¹ Ekitabo ekyakubyalibwa okwa yeesu kurisito, omwanw wa dawudi, eyabyalibwe oyibulayimu. ² oyibulayimu yabyaire oyisaaka, oyisaaka nabyaali oyakobo, oyakobo nabyaaaala oyuda amwe nabaana baamwe. ³ oyuda ya byaire operezi amwe no tomali omuzeera opereezi nabyala olamu . ⁴ olamu nabyala aminadabu, aminadabu nabyala onasani, onasani nabyala osulemani, osulemona nabyala o obowazi, obowazi nabyala obodi omulusi, obedi nabyala oyese, oyese nabyala odawudi omukama. ⁵ osalumoni nabyala obowazi omu lakabu, obowazi nabyala obedi omulusi, obedi nabyala oyese, nabyala odawudi omukama. ⁶ odawudi nabyala osulrmani omu uliya. ⁷ osulemani nabyala oolekebowamu, olekebowamu nabyala oabbiya, abbiya nabyala assa. ⁸ Assanabyala oyekofati, oyekofati nabyala oyolamu, oyolemuo uzziya ⁹ O uzziya nabyala oyosamu, oyosamu nabyala Akazi, Akazi nabyala okeezekiya. ¹⁰ Okezekeya nabyala oomanaase, omanase nabyala Amoni, Amoni nabyala Oyosiya. ¹¹ Oyosiya nabyala oyekoniya nabaganda baamweomubiro ebyakutwwalibwa e babuloni. ¹² oluvanyuma lwakutwalibwa e babuloni oyekoniya yabyaire osalyeteri, osalyeteeri nabyala ozerubbabberi. ¹³ ozerubbabberi nabyala abiwudi, abiwudi nabyalaerikayimu nabyala Azoli. ¹⁴ azoli nabyala Osadoki, osadoki nabyala Akimu, akimu nabyala eriwudi. ¹⁵ Eriwudi nabyala ereyazali, eriyazali nabyala omataana, omataani nabyala o yakobo. ¹⁶ oyakobo nabyala oyusufu eyali imusaiza wa malyaamu eyabyaire oyeesu. ¹⁷ nimo giyo emirembe nijaali okuzwa oku yibulayimu okwika oku dawudi okuzwa oku dawudi okutwalibwa e babuloni: amwe nokuzwa e babuloni okwika oku kuristo. ¹⁸ kobyalibwa kwa yeesu kwali kuti nga omalyamu akyayogerezebwa oyusufu bani baali bakyaali kusumbirwagana omalaamu yafunire enda ya mwooyo om utukuvu. ¹⁹ awo oyusufu oyibaamwe owamalyamu eyaali omutukirivu tiyayenderye kumukatisha nsoni. ²⁰ Boona awo oyusufu niyaali , akyalowooza ngali omukirooto, edoboozi eryamalaika nirimukoba totiina kubanga omalyamu mukazi waamu era akwaaba okufuna enda ya mwooyo ugutukuvu. ²¹ Alibya omwana owabwojjo era oli mwalika eibara lya erya yeesu, oyo eyaliba omolokozi ali lokola abantu baamwe omubibbi byaabwe. ²² ebyo byoona byoona byakoleibwe okwiikirya onyamwanga bye ya belize no nabbi namukoba ati. ²³ boona, omwala atamaite musaizza yenayeena albba enda era alibya owa bwojjo bali mwalika eibara emmaneeri eri kumanyisya Onyamwanga ali amwe naiswe. ²⁴ Oyusufu niyeikiire, nakoba omalaika bye yamukobere natwaala omukazi waamwe. ²⁵ Era tiyamwetejere okwiikya niyamaare okubya omwana namwalika eibara yeesu.

Chapter 2

¹ Aawo oyeesu niyabyalibwe omu Bbesserekemu, ekya buyudaaya omubiro bya kerod omukama, boona abagrzi gezi ni bazwa ebuuluka nibayerusaalemi. ² Nga bakoba nti alu ali ludda ayi oyo abyaliibwe omukama wa bayudaaya ? kubanga twabweine onyenyenzi ebuuluka nitwiiza okumuramya. ³ Omukama okerode niyawuliire natuuntura amwenaba Yerusalemi boona. ⁴ Nakuumbaannya aba kabona boona abakulu na bawaandiki ba bantu. Nababuulya nti ali byalibwa ayi? ⁵ Boona nibamukoba nti, mu Beserekemu ekya Buyudaaya kubaanga nimwo kya wandikiibwe omuerangi nti ⁶ Naawe Beserekemu eiyanga rya Yuda toli mudyooli omubalangira ba Yuda kubaanga akufuga alizwa mu niiwe, ali liisya abantu bange eisirairi. ⁷ Aawo okerode nayeta abagezigezi omucaama nababuuliirya muno ebiro onyenyenzi biyakamala okuboneka. ⁸ Nabasiindika Ebeserekemu bayikeyo yoonababone omwana ngeri ki jakwisana mu leke yeena bamukobere asobole okumuramya. ⁹ Nibawuliire omukama, ni baaba, boona, onyenyenzi oyo nijo baboneire ebuuluka nabakulembera, naiza nayemeera eiguru omwana jeyaali. ¹⁰ Nibaabweine onyenyenzi oyo, nibasemerwa, okwiingi omuno. ¹¹ Nibeejumba enyubba nibabona omwana no nyina Omalyaamu nibakubba ansi amajjwi okumuramya nisindabula ensuwa zaabwe nibamuwa ebirabo bya zabbu no bubbaani nomu gavu. ¹² Onyamwanga niya balabwiire omukirooto nga akubakoba obutairayo ewa kerode, baireyo ewaabwe omuwanda ogundi. ¹³ Bona nibaamare okwaaba, omalaika wa nyamwanga nabonekera oyisiifu omukirooto nga akumukoba imuka otwaale omana no maamwe oyiruke Emisiri obbeeyo okwiikya nindikoba, kubanga okerode akuakuswaagana omwana okumwiita. ¹⁴ Yena naimuka atwaala omwaana no maamwe nibaaba emisiri. ¹⁵ Nabbaayo eyo okwikya okerode niyaffire, ekigambo kiikiire kyeyabalizze nti, "era neera omwana wange aluzzwa mu missiri" ¹⁶ Okerode niyabweine nga abalaguli nga bakumukudaalira nayoongara natuma okwiita buli mwana wa bwoojjo omu beserekemu nokunsaro zaayo zoonababakamala emyaaka ibiri nabakyaali kwiikya ezo nkebiro byeyabuuliiryeemu omuno abalaguli ngeri nibyabbairi. ¹⁷ Aawo ekigambo onabbi yeremiya kye yabalizze nikiryooka nikikiira, niyakobere nti: ¹⁸ Eiraka lyawuliibwe omu Laama, okuunga nokubboka okunyamwiingi nga takyayeendya kumukamaantya wabbairi tiwakyaali. ¹⁹ Nye okerode niyamaare okuffa, bona, omalaika wa Nyamwanga mabonekera oyusuufu omukirooto Emisiri. ²⁰ Nga akumukoba nti imuka otwaaleomwaana no maamwe Eyisirairi kubaanga babbaire bakuswaagana omwaana okumwiita bamaare okuffa. ²¹ Naimuka natwaala omwaana nomaamwe omwiiyanga la Misiri. ²² Naye niyawuliire Alukerawo niye kabaka wa Yudaaya nga asirikiire oitaamwe: Okerode natiina okwiirayo. naye Onyamwanga niyamulabwiire omukirooto, nakengeita, nayakaqla okurubaaju lwa Galiraaya. ²³ Naiza nabba omukyaalo ekikwetebwa Nazaleensi ekkigaambo Abanabbi kye baabalize kiikiiriire,nti akwiiza kweetebwa Munazaalaayo

Chapter 3

¹ Omubiro ebyo, Oyokaana omubatiza naiza nga okubuulira Omwiiruunu lya Buyudaaya, ² Nga akoba nti mwenenye; kuba nti Obukama bwamwiiguru buli ampi. ³ kubaanga omulaangi Oyisaaya gwe yabalizeku, nga akukoba nti eyiraka ryoooy akubaliza ayiguru Omwiiruungu nti musayiirye Omuwanda gwa Nyamwanga, mugwagwanye Emyanda gyaamwe. ⁴ Naye Oyokaana yazwaalanga ebizwaaro byabyooya bya nkaina nga akwebbwa olukobba lwakyaanzo omunkende; neemere yaamwe yaali nzige no jjuuru wabwooku bwa mukisiko. ⁵ Aawo nibaluga Eyerusalemu no mbuyudaaya nensi yona erinaine Yoludaani, nibaiza gyaali. ⁶ Nababatiza omwiiga Yoludaani, nga bakwaatula ebibbi byaabwe. ⁷ Niyabweine Abafalisaayo abayingi; Nabasaddukaayoo abayingi nga bakwiizira okubatizibwa kwaamwe nabakoba nti nywe abaana banjoka naani yabalabwiire obuswwandi obukwaaba okwiiza? ⁸ Mwerwe ebibala ebisaanire okwenenya. ⁹ Mutalowoza kubaza mummyo nti tulina o Iburayimu ozeiza waiswe; kubba nkubakoba nti oNyamwanga. ¹⁰ Naye empasa eteekebwe okikolo kyamusaale Buli musaale ogutakkweera bibala bisai gwatemwa gunagibwe omuuro. ¹¹ Nje nkubabatiza namaizi olwakwenenya: naye oyo akwiiza enyuma wange ye akusiinga amaani, tinsaanire nakukwata nkaito zaamwe: oyo ali bamatiza no mwooyo akweera no muuro. ¹² Olugali lwaamwe luli mungalo zaamwe naye ali saayirya muno eiguru lyaammwe; ali kumbaanirya engaano omukideero naye ebisunsugulu ali byookya nomuuro oguta kulikira. ¹³ Awoo o Yeesu nazzwa e Galiraaya naika ku Yoludaani edi Oyokaana, amubatize. ¹⁴ Naye o Yokaana yendyaanga okumulesya, nga akukoba nt nje nkwendya niiwe okumbatiza, naye okwiiza wange? ¹⁵ Naye oYeesu nairamu namukoba nti ikiriza ati: olwokuba kitugwaanire otyo okwiikirya obwiikiri bwoona nayaanga naikiriza. ¹⁶ Awoo o Yeesu niyamaare okubatizibbwa, amaangu ago nazzwa omumaizi, eiguru nirimwesweekura nabona omwooyo gwa Nyamwasnga nga guniinika nko nko ngiwa, nga akwiiza okuye ¹⁷ Bona, eiraka nirizwa omwiiguru, ngarikoba nti Oyo niye mwana waange, gwenkwendya, gwensemererwa omuno.

Chapter 4

¹ Awo o Yeesu natwaalibwa omwooyo o Mwiirungu okukemebwa o sitaani. ² Niyamaare okusiiba enaku amakumi anai emisana nobwiire, enzala nemuluma. ³ Omukemi naiza namukoba nti, niwaabba nga olimwaana wa Nyamwanga , koba amabbaale gani gafuuke emere. ⁴ Yeena nairamu ati omuuntu tabbawo lwaamere yonkai, wabula nabuli kigambo ekizzwa omumunwa gwa Nyamwanga. ⁵ Awoo ositani namutwaala omukibuga ekikweera namuteeke okukituuti kya Yeekalu. ⁶ Namukoba ati niwaabba nga oli mwaana wa Nyamwanga, guluka ogwe ansi; kubaanga kya waniikibwe oti yali kusiindikira aba Malaika baamwe: omumikono jaabwe bakuwaanire oleme okukosebwa okugulu kwa kwi bbaale. ⁷ OYeesu namuba ati kyawandiikibwe otti tokemaanga o Nyamwanga, waamu. ⁸ Aleo oSitaani namutwaala okulusozi olunyamulai ensi babakama boona abaali oMunsi nekitiinisya kyaazo; ⁹ Namukoba atii ebyo byoona nabikuwa niwa fukamira nonsiiza, ¹⁰ Awoo oYeesu namukoba atti nzweera yaba, sitani: kubanga kya wandiikibwe nti osiinzanga o Nyamwanga waamu, era omuwerezege yenkai. ¹¹ Awo ositani namuleka, bona abamalaika nibaiza, ibamuwereza. ¹² Awoo niyawuliire oYokaana bamuwaireyo, nairayo eGaliraaya. ¹³ Niyazwiire eNazaalensi naza nabba ekapuranawumu, ekiri okunyanja, oMunsi ya Zebulooni no Nafutaali. ¹⁴ Ekigaambo kyikiire oNabbi Isaaya kyeyabalize, nga akoba ¹⁵ Ensi ya Zabbulooni nensi ya Nafutaali, enzira ya nyanja, Enseri wa Yoludaani eGgaliraaya eyamawaanga. ¹⁶ Abaantu baali baikaara omukirikiirya, babweine eisana riingi, naabo abaali baikaire oMunsi ya kuffa nomukituuru kyaakw, eisana ryabaakiire. ¹⁷ OYeesu nasookera mpawo okubuulira nakoba nti mwenenye, kuba obwabukama bwaiguru bulyaampi okwiira. ¹⁸ Niyaali nga akutambula okukikeito kya nyanja eyagaliraaya nabona abagande babiri osimooni gwebetere oPeetero, no Andereya omuganda wamwe, nga bakunaga ekitimba omuNyanja kubanga baazli bategi. ¹⁹ Nabakoba ati mwiize, mwakale naanje, njeena naali bafuula abategi ba baantu. ²⁰ Amaangu agoo nibaleka emigonjo, nibaakala naye. ²¹ Nataambulaku omumaiso nabona abagaande babiri abandi, oYakobo omwaana wa zebidaayo no Yokaana omwaana wamwe, nga bali muryaato amwe no taata waabwe ozebidazyo, nga bakuyuunga emigonjo gyaabwe, nabeeta. ²² Amaangu ago nibaanguwa nibaleka eryaato noite waabwe nibaaba naye. ²³ OYeesu namanyikibwa Ggaliraaya yoona, eraa nabuulira engiri eyabukama, era nga akutaamba endwaire zoona nobunaki bwoona omubantu. ²⁴ Ebigaambo byaamwe nibyetoolola obusuuli bwoona: nibamuleetera boona abalwaire abaali bakwatiibwe endwaire ezitali zimwe, nebibonobono, nabamizimu, abansiimbu, nabaali bakozzimbire; nabataamba. ²⁵ Ebibiinja biingi, nga bikuzzwa eGgaliraaya no Dekapoli ne yerusaalemune Buyudaaya ne mitala wa Yoludaani ni baakala naye.

Chapter 5

¹ Niyabweine ekibinja, naniina okulusozi: naikala ansi, aabeegesebwa baamwe nibaiza jaali. ² nayasamula omunwa gwaam, we nabeegesebwa nga akukoba nti: ³ Bayina omukisa abaavu omumwooyoolwakuba obukama bwamwiiguru nibwo bwaabwe ⁴ Bayina omukisa abaali abanaku kubba bali semeerwa. ⁵ Bayina omukisa abacculeeri, kubanga baali sikira ensi. ⁶ Bayina omukisa abalumwa enzala ne nyoonta olwabwiikiiri kubba baaliikuta. ⁷ Bayina omukisa abo abakisa:kubaanga abo bali kwatirwa ekisa. ⁸ Bayina omukisa abo abayina emitima egiroongooki, kubaanga abo balibona oNyamwanga. ⁹ Bayina omukisa abo abatabaganya, baana ba Nyamwanga. ¹⁰ Bayina omukisa abaisaisainizibwa olwa bwiikiira kubba obukama bwamwiiguru nbwo bwaabwe. ¹¹ nywe mulina omukisa nimwazuumwanga, nimwasayasanizibwanga, nibabangiiryanga ekigaambo ekibbi nga babalaanga nje. ¹² musemeerwa musagaruke muno; kubba empeera yaanywe jingi oomwiiguru: kubba nimqwo bayasayanyire iba Nabbi ababa sookerewo nywe. ¹³ Nywe muli muunyu gwa nsi; naye onuunyu niguwaamu esna bali luunga muunyu naba ki? ¹⁴ Nywe muli isana lya iyaanga ekibuga niki kubbw okulusozi, tikisobola kukisibwa. ¹⁵ Nolweebyo tibaaccanga kitaangaala kukibuutikira omikiibbo. wabula okugita eiguru okukikoondo kyaayo; yoono ebaakire boona abali omunyubba. ¹⁶ kale isana lyaanywe lyaakenge nimwo gutyo omumaiso baboneenge ebigaambo ebisai byw mukola, balyookebagulumizeenge oyitaabwe ali omwiiguru. ¹⁷ Temulowoozanga ntini naizire kudibya mateeka oba ebyabaNabbi: wazira okwikiirya. ¹⁸ Okulwakubba nkubakoba mazima ntini eiguru nensi okwiika nibyaali waawo enyuguta emwe niwankubbaire akatonyeze akamwe tikaali waawo okwiikya ebyo nibyaali mala okwikiira. ¹⁹ Kale buli eyadibyaannga amateeka ago wadde erisiinga obodooli era alyeegesaanga abaant atyo alytebwa mudooli omubwabukama bwa mwiiguru naye ali gaitibwaanga era ali nayegesha, akwiiza kwetebwa mukulu omu bwabukama bwa mwiiguru. ²⁰ Kubaanga nkubakoba ntini obwikiiri bwaanywe nibutaasiinge nge obwaba wandiisi naBafalisaayo timukwiiza nakadooli kwiingira bwakabaka bwamwiguru. ²¹ Mwawuliire abairai ngabakukobwa ntini toyitaanga era omuntu naliitaanga alibba airye omusaango. ²² Naye nkubakoba nti buli eyasunguwaaranga omugaande nga airye omusaango, nabuli eyakobanga omugaande nti olaaka, asaniire okutwaalibwa omulukiiko, nabuli eyazumaanga omwiiramwe otwaalibwenge omugeyeena omuuro. ²³ Kale niwaleetanga essadaaka yaamu okukyooto, noliba eyo noyizukiraanga omugaanda waamu akuliku ekigambo. ²⁴ Leka awo essadaaka yaamu omumaiso ga kyooto, oireyo osooke otabaganye nomugandaawo. ²⁵ Yeenndyaganaanga maangu nooyo akuwaabire nga mukyaali naye omumuwaanda; akuwaabira eleke okutwaalw eddi omutajweeka, olwo nomutajweeka aleme kutwaalw eddi omwa mbalalansaale, leke muleme okutekebwaayo omwiikomera. ²⁶ omumananu nkubakoba nti tolilugamu, okwiikya nolimaliirya neippeesa eriimwe. ²⁷ Mwawuliire ninakobere nti timweendaanga. ²⁸ Naye njeena nkubakoba ntini buli muuntu eyaaliegombaanga omukkali nga amaare nga amaare okumwendaku omumutima gwamwe. ²⁹ Niwaabbanga eriso ryaamu erya gulyo nga nikyo rikwesiitaaza riyemu orinage alai: olwakubba nikyo kisiinga obusai ekitundu kyaamu ekimwe kizikiire, omubiri gwaamu geleme okunagibwa omu geyeena. ³⁰ Era niwabbangaomukonu gwaamu ogulyo nigwo gu kukwesitaaza ogutemeku ogunage alai olakubba nikyo kinkusiinga ekitundu kyaa mu okuzikiira, omubiri gwaamu guleme okuzikiira. ³¹ Bbakobwa ntini omuntu eyapekaanga omukali waamwe amuweeryenge ebbalwa ya kumupeke. ³² naye njena nkubakoba ntini buli muntu eyapekaanga omukali waamwe nga amwendereku; nooyo awaseenge gwebagobere nga ayendere. ³³ mwawuliire abairai nga bakoba ntini: tolairanga byabubeegi naye okiiryaanga oNyamwanga bye yakobere. ³⁴ Naye nanje nkubakoba ntini temuliiranga nakadyooli wade igurui, olwakuba niinjentebe yaNyamwanga ³⁵ niwankubaire nga ensi nijjo ataaaku amagulu gaamwe yadde yerusalemi olwakubba nikyo ekibuga kyamukama omukulu. ³⁶ Nulweekyo tolairanga mutwegwaamu olwakubba tokusobola kwindula lusoke lumwe oba lweeru oba lwiiragazu. ³⁷ Naye ebigambo baamywe bibbenge niwo awo niwo awo; ti niwiwo awo tiniwo awonaye ebikussiinga bizzwa mumubbi, ³⁸ Mwawuliire nabakobere nntni eriso ligaitibweenge eriso, neriino rigaitibweenge neriino. ³⁹ njeena nkubakoba ntini mutalemesyaanga mubbi, era omuntu niya kupaayaanga olusaya olulyo mwiinduurenge olusomo. ⁴⁰ omuuntu niyataakaanga okuwoza naawe okutwaalaku ekanzu yaamu, omulekereenge nekooti yaamu. ⁴¹ Omuuntu nakuwalirizaanga okutaambila naawe emairo emwe, taambula naye eyakabiri. ⁴² omuntu nakusaabanga kyaakweendya okumuwo, tomwinduuraanga amanyuma. ⁴³ Mwawuliire nibakobeibwe nti oyeendyaanga omwiirawo nokyaawa omu nyanzigu waamu. ⁴⁴ Naye naanje nkubakoba ntini; mwenyeenge abanyanzigu, musabirenge nababayiganya ⁴⁵ Mulyooke mubbeenge abaana oitaiswe ali omwiiguru; kubaanga eisana lyaakira ababbi na basai, abatoonyeserya onjura abaikiiri nabatali baikiiri. ⁴⁶ Era nimwayeendyaanga abakubeendya, mwiina mpeera ki?

nabawooza tibakola batyo? ⁴⁷ nimwalamukyaanga abagaanda baanywe bonkai, nabamawaanga tibakoba batyo? ⁴⁸ Ati nywe mubbeenge abaikiiri , nko ite waanywe nta omwiikiiri.

Chapter 6

¹ Mwekumenge obutakola bigaambo biikiriire omumaiso gabaantu, nitwaakola nga ebyo empeera yaiswe omwiiguru tri tuweebwa. ² Noweeryaanga omwaavu toyabaanga kubuli ome nga okukubba omulere nti namuyaambire nka bananfuusi omubiro bya byalukale nomunzira, abaantu babaweerye ekitiinisya. nkubakakasa nti empeera yaabwe baagifunire. ³ Naye we, omukono gwaamu ogulyo nigwaagabanga ekintu ogwakono gulemeenge oketeja. ⁴ okugaba kwaamu kubbeenge kwa kyaama awo ni oNyamwanga okooro omukyaama akwiiza okuwa empeera ya mwiiguru. ⁵ era nimwasabaanga muleme kubba nka bana nfuusi, abasabira omulujjude era abaantu bababone, nkubakakasa bamaare okuweebwa empeera yaabwe. ⁶ Naye we niwaabbanga okusaba munda. omukiseenge kyaamu okiingewo olwiige olyooke osaabe oNyamwanga omukyaama ali kuwa empeera. ⁷ naanywe nimwasabaanga melekeenge okwiirairamu ebigaambo nka bamawaanga nibakola, abalowooza nti bakwiiza byebasaba olwa bigaambo ebiingi. ⁸ kale timwisaana nga nkaabo oNyamwanga amaite byemwendya nga mukyaali na kumusaba. ⁹ kale, musaabenge muti oitaiswe eibara lyaamwe lisiinzibwe. ¹⁰ obukama bwwamu byokwendya bikolebwe omuunsi ngeri nibikolebwa owiiguru. ¹¹ tuwe erero emere yaiswe. ¹² Tusonyiwe amabaanza gaiswe ngeri nitusonyiwa abatweewolaku. ¹³ totutwaala mukemebwa naye tulokole omububbi. kubaanga obwabukama, nobuyiinza nekitiinisya byaamu emireembe nemireembe, amiina. ¹⁴ kubaanga nimwasonyiwaanga abaantu ebyabasobereku nyweena oNyamwanga yabasonyiwa. ¹⁵ Naye nitaasonyiweenge abo ababasobya oNyamwanga tali basonyiwa. ¹⁶ Atii ninwasiibaanga muleme kubbaanga nka bananfuusi abalina amaiso gaanaku, kubaanga basiisa amaiso gaabwe abaantu bababone nga bakusiiba. ¹⁷ Nye we niwasiibaanga, saabaananga amafuta okumutwe onaabeenge nomaiso. ¹⁸ Abaantu balemeenge okubona nga okusiiba, wabula oNyamwanga ali omukyaama ali kuwa empeera. ¹⁹ Titwebikiraanga abintu kungsi kwebyesisiraanga, ebiyenje nea baibbi okubisaka owiitakali. ²⁰ Naye mwebikireenge ebiintu byanweye omwiiguru ebiyenje nabaibbi, jebatakusobola kubisaka. ²¹ Kubaanga ebintu byaamu, jebibba, omutima gwaamu nijo gubba. ²² Ekitangaala kya mubiri nikyo riiso ryaamu. eriiso niribona amwe, omubiri gwabbaanga ne kitaangaala. ²³ Eriiso ryaamu niribba nebibbi, omubiri ggaamu gubba nekizikiza. ²⁴ Ndoowo muuntu asobola okuweereza abasaiza ababiri: kubba oba wakyawaanga omwe, nayendya owoondi, oba nagumiraanga okwoomwe, timiyiinzakuwereza Nyamwanga nabyabuguuda. ²⁵ Nikyo nzwa mbokoba nt mweralikiiranga ebyamibiri jaanywe, okulya, okuzwaala, no kunywa. ²⁶ Bona ebinyonyi byamwiibbaanga, tibisiimba era tibikuungula, tibiikira mubiddeero naye birya, Naye onyamwanga aqzirisiya nywe timukusiinga ku zu? ²⁷ Naani omunywe eyelalikiira niyeyongeraku obukulu bwaamwe na kaseera kaamwe? ²⁸ Naye ebiberalikiiryaanga kki byakuzzwaala ? mubone amasaansa ga mwiiruungu nigamera tigakola mulimu gwoona era tigasona lugoye. ²⁹ Naye nkubakoba nti no Sulemaani omukitiinisya kyaamwe tiyazwaalaanga nkerimweokwaago. ³⁰ Naye oNyamwanga nazwaalikisya eisubi eririwo ereero , nemaamya barinage omuuro ereero neizo teyaalisiinga kuzwalikisya nywe abalina okwiikiriza okudyooli? ³¹ Kale timweralikiiranga nti tuliire ki? oba tunywiire ki? oba tuzzwaire ki? ³² Kubaanga amawaanga goona byegeetaaga oNyamwanga ali omwiguru abimaite. ³³ Naye musookenge mutoolyre obwabukama bwa Nyamwanga nobwiikiiri byoona byoona bii baweebwa. ³⁴ Kale timweralikiiraanga ebyamambya kubbaanga ebyamaambya byeralikiira lwa byo, olunaku olumwe ekibbi kyaalwo kilumala.

Chapter 7

¹ Tosalaanga musango, mulemwe okusarwa. ² kubaanga omusaango gwe muli sala nyeena nigo mulisaarwa, era engeri jooli gusalamu nigyo mulisaarwa. ³ Olibona otyai akantu akali okuriiso rya mugandaawo notafaayo okunsekere ali okuriiso rryamu? ⁴ Oba olikoba otyai omugandaawo nti leka nkuyeku akantu akali okuriiso ryaamu naye bona , onsekere akyaali ku riiso ryaamu we ⁵ Kiweisya we, we sooka oyeku onseklere ali okuriiso ryaamu osobole okubonya okusai leke oyeku akantu okuriiso rya mugaandawo. ⁶ Timuwaanga mbweene kiintu ekikweera nolweekyo timunagaanga migugu jaanwe mumaiso gamberege zireme okusambatiira namagulu gaazonizikyuuka okubanena, musabe muli weebwa. ⁷ Musabe muli weebwa, mutoolye muli bona, mwebazeku muli kiinguurwa. ⁸ kubanga omuntu yeena asaaba ali weebwa, atoolya abona, eyenyonyolaku aiguurwa. ⁹ Muuntu ki omunywe omwaana wamuuntu gwaali saba emere ali muwa eibbaale? ¹⁰ Oba naami omunywe omwaana waamwe nali musaba ekyenyanya ali muwa onjoka? ¹¹ kale nywe, ababbi nka nimumaite okuwa abaana baanywe ebinyakasai, oNyamwanga wamwiiguru tali siinga muno okubawa ebinyakasai abakumusaba? ¹² Kale byoona byemukwendya abaantu babakoore nkaanywe nyweena mubakoore nkabo. ¹³ Mwiingire omulyaango ogufuundi, kubaanga omulyaango ogugazi, nenzira eyaba omukuzikiira gigazi, naabo abaakalamu baingi. ¹⁴ kubaanga omulyaango ogufuundi nenzira ekwiira omubulamu lyakanyigo, naabo abaribona badoli. ¹⁵ Mwekenger abnabbi babu beegi, abaizira omubizwaaro bya ntaama jemuli, ngaateomuunda basiisi. ¹⁶ Muli bamanya okubibala byaabwe, abaantu banokola batyai omuzabbibu okubusaana, oba okujaambura? ¹⁷ Nimo gutyo omusaale ogusai, gweerrya ebibala ebisai, naye omusaale ogubbi ogubbi tigusobola kweerya bibala binyakasai. ¹⁸ omusaaale ogusai tigusobola kweerya bibala ebibbi, nolweekyo omusaale omosaale ogubbi tigusobola kweerya bibala bisai. ¹⁹ Buli musaaale oguteerya ebibala ebisai baguteme nibagunaga omuuro. ²⁰ Muli bamanya ookubi bala byaabwe. ²¹ Buli muuntu akoba nti Nyamwanga waange, Nyamwanga waange, tiniye aliingira omubwabukama bwa mwiiguru wabula okola oNyamwanga wamwiiguru byakweendya. ²² Baingi baliinkoba okulunaku luddi nti Nyamwanga waiswe, Nyamwanga waiswe titwalagulaanga mwiibara ryaamu, titwapekaaanga mizzimu mwibara ryaamu, titwaakolanga bikwewunyisya mwibara ryaamu ²³ Nimbaatuura nti nje timbamanyaangaku, muzzwe jeendi nyweena nyweena abakola ebya bafuusa. ²⁴ Bulimuuntu awuliirya ebigaambo byaange ebyo namala nabikola niky aisaniire omusaiza owa magezi oyombokere enyubba okulaazi. ²⁵ onjura natoonya ebinyeeri nibikulukuta, ompuungo nawuunga, nibikubba enyubba, nolweekyo netagwa. ²⁶ Nabuli muuntu wauura ekigaambo kyaange natakikola, aliisanaangana nomusaiza ataina magezi eyayombokere enyubba yaamwe omukiseenyi. ²⁷ Enjura netoonya, ebinyeeri nikulukuta, ompuunngo nawuunga, nibikubba ebnyubba neggwa. ²⁸ Awoo olwaikire oYeesu niyamaare ebigaambo ebyo ebibiina nibyewuunya muno okwegesya kwaamwe. ²⁹ Kubaanga yabegesyaanga nko mukama wa buyiinza nolweekyo ti nka bawaandiiki baabwe.

Chapter 8

¹ OYeesu niyazwiire okulusozi, abaantu baingi nibamuseengerya. ² Kale bona omusaiza omugeenge namusembeera namuramya, namukoba atii mukama waange, noyeendya, osobola okundongoosa. ³ Nagolola omukono gwaamwe namukwaata ku, namukoba nkwendya oloongooke amaangu ago, omugeenge naloongooka ebigeenge byaamwe. ⁴ OYeesu namukoba nti tokobera muntu yeena, naye irayo weraange eddi okabona omutwaare ekitone oMusa kyeyalagiire, okubba abajuurwa edi abaantu. ⁵ Niyayingiire omukaperuuni, omwaami wa kitongole omuRuumi naiza jaali namwegaira . ⁶ nakoba nti mukama waange, omoojo waange agalamiire omunyubba okonziimbire, akubona bona kitalo ⁷ Namukoba nti naizire nimutaamba. ⁸ Omusaiza wakitongole omuRuumi nairamu namukoba mukama waange, tinsaanire we okwiingira omunyubba yaange, naye bazza ekigaambo bugaammbo, omwojo waange yawona. ⁹ kubaanga Nnje ndi muuntu, nga nina abasirikale be ntwaala: ninkoba oyo nti yaba, ayaba, nowondi nti iza, naiza, nomwiiru waange kola oti yeena nakola. ¹⁰ Naye oYeesu niyawuliire, niyeewunya, nakoba nti nkyaali kubona kwiikiriza nka kuni, niwankubbaire omu Isirairi. ¹¹ Nanje nkubakoba nti baingi abalizwa ebuuluka isana nebugwa isana, abaliikara amwe no iburahiim noyisaaka noyakobbo nomubukama bwa mwiiguir. ¹² Nalye abaana babukama bali ppkebwa omukirikiirya ekyanzai, nijjo hwalibba okuunga nokunena amaino. ¹³ OYeesu nakoba musaiza wakitongoolr omuruumi nti kale yaba, nga nimo okwiikiriza, kibbe jooli kityyo. omwwojo nawonera omukiseera kityo. ¹⁴ oYeesu niyayingiire omunyubba ya peetero, nabona onyubyaala waamwe nga alagamiire nga alwaire omusuja. ¹⁵ Namukwaata kumukono, omusuja niguwona omukaseera ako naimuka namuweereza. ¹⁶ Obwiire bwaali bwaigolo, nibamuleetera abaantu baingi abakwaatiibwe odayimoni, napeka odayimooni ne kigaambo nataamba baingi abaali abalwaire. ¹⁷ Ekigaambo kikiire ekyabaziibwe omulaguli isaaya, akukoba oti niye yatwaire obunaki bwaiswe niyeetiika endwaire zaiswe. ¹⁸ Awoo oYeesu niyabweine ebibiina biingi bamwetolweire, nalagira tusomoke twaabaw eddi. ¹⁹ Omuwaandiiki omwe naiza, namukoba nti, omwegesya yabbaanga naawe yoona yoona jewayaba. ²⁰ yeesu namugamba nti ebbwa ziina obwiina bwaayo nebinyonyi biina ebissu byaazo, naye ndoowo mwaana wamuuntu wawumulya mulimo gwaamwe. ²¹ Omweegesya waamwe owondi nakoba nti, mukama waange ndeka nyabe nziike oitaange. ²² oYeesu namukoba nti yakala naanje leka abafu baziike abafu abairaabwe. ²³ Naseeyeye, abeegesya nibaaba naye. ²⁴ Ompuungo omwiingi naiza omunyaanja. nabinyege nyege nibisenseka omomuryaato, naye yaali abbasirye. ²⁵ Abeegi baamwe nibaiza nibamwiimula, nga bamukoba nti mukama yaiswe tuyaambbne tukuffa. ²⁶ oYeesu nabakoba ti; kiki ekikubatiinisya, abayiina okwiikiriza okudooli? nalyooka nimuka nakoba ompuungo enyaanja niyeeteka. ²⁷ aBaantu nibeewunya, nga bakoba bati onni ompungo nenyaaanja bikumuwuura? ²⁸ Naye niyaikire enseeri omuunsi yabagereesen, abaantu ababiri abaaliku oddayimoni nibamusaanga omunzira, nga bakuzwwa omuuntaana, baali baandi muno, ndoowo muntu yeena akwaakalaanga omunzira eyo. ²⁹ Boona, nibabazira iguru nibakoba nti; otuvunaana ki iswe, omwaana wa Nyamwanga? oizire anii kutubonya boonya nga entuuko yaiswe ekaali kwiika? ³⁰ Waali alai nikisibo kyamberege ziingi nga zikulya. ³¹ Edaimooni nizimwegaaaira , nizimukolba nti niwatugoba, tusiindike omukisibo kyamberege. ³² Nizikoba nti mwaabe. nizibazwwaku, nizaaba omumberege: kale bona, ekisibo kyamberege kyoona ni ki jumbutuka nikiserengeta omunyaanja niziffa zoona, nizimwegaiira nizimukoba nti niwa tugoba tusiindike mukisibo omumbberege. ³³ nabaliisya baazo, nibairuka nibaaba omukibuga nibabaza ekibbairewo nebyadaimooni. ³⁴ Bona ekyalo kyoona nikiiza okusaanga oYeesu: nibaamubweine, nibamweegayiira okuzwwaomunsaro zaabwe.

Chapter 9

¹ Nasomoka, naika omukibuga ekyawaabwe. ² awoo nibamuleetera omulwaire okozimbire, nga bamugalaime okukiraaro, naye oYeesu niyabweine okwikiriza kwabwe, nakoba oyo akozimbire nti, we mwaana waange guma omwuuyo, kubanga ebibbi byamu bikuyiibweku. ³ Kale bona abawaandiki abandi nibabaza, omumyooyo gyaabwe, lwaaki oni akutyobola oNyamwanga? ⁴ Nye oYeesu niyategeire ebirowoozo byaabwe nabakoba nti kiki ekikubalawoozesya okubbi omumitima jaanywe? ⁵ Kubaanga ekyaaugu ekiriwo kubakoba nti ebibbi byaamu bikuyiibweku, oba kukoba nti golokoka otambule? ⁶ Naye mutegeere omwana wa muuntu ayina obuyiinza okunsi okuyaku ebibbi, nakoba oyo okozimbire ayemere, oyimule ekiraaro kyaamu., oyireyo om unyubba yaamu. ⁷ Nagolokoka nayaba ewaamwe. ⁸ Naye ebibiina nibyabweine nibitiina nibigulumiza oNyamwanga, eyawaire abaantu obuyiinza okwenkana awo. ⁹ OYeesu niyazwiireyo nabona omuuntu akweetebwa Matayo, nga aikaire omukifo kyaamwe wasorozero omusolo, namukoba nti nseengeerya twaabe amwe, nagolokoka namuseengerya. ¹⁰ Awoo olwaikire, nga aikaire omuyubba yaamwe, bona niwaza abawooza baingi, nabaantu ababbi bayigi, nibaikaara amwe no Yeesu nabeegesya baamwe. ¹¹ abafalisaayo nibabweine, nibakoba abeegi aba Yeesu nti kiki omweegesya waanywe ekimuleetere nabawooza amwe nabaantu ababbi? ¹² Naye, niyawuliire nakoba nti aboomi tibeetaaga musawu naye abalwaire. ¹³ Naye mwaabe mweege amakulu gakigaambo nti nkweendya kisa naye tinsaaka, kubaanga tinaizire kweeta baantu baikiiri naye ababbi. ¹⁴ Niwaamare niwaiza abeegi ba Yokaana nibakoba kiki ekitusibya iswe nabafalisaayo ateenga ebeegi baamu tibasiiba? ¹⁵ OYeesu nabakoba nti abaana bamumbaaga yabugole bayiinza batyai okunakuwala nga awasire omugole akyaazli amwe nabo? ¹⁶ Ndoowo muuntu atuunga eiiwero ekiyaaka omukizwaaro ekikaire, kuba ekitungiibwe kyoona ekizwaaro, nekituli kyeeyongera okugaziwa. ¹⁷ Era tibasuka mweenge ogupya omunssuwa eza byaanzo ebikaire kuba nibakola batyo ensawu ezabyaanzo zitemuka, nomweenge gususukka. nensuwa ezabyaanzo zifafaagana, naye basuka omweenge oguyaaka omunssuwa zabyaanzo ebiyaaka, byoona birama. ¹⁸ Niyaali nga akyabakoba ebigaambo ebyo niwaiza omusaiza omwe, namuramya, namukoba nti omwaana waange atii buni afaire, naye iza omuteekeku omukono yalamuka. ¹⁹ OYeesu nagolokoka namuseengerya amwe nabeegi baamwe. ²⁰ Awoo omukazi eyaali alwaire ekikulukuto ekyamusaayi okumala emyaaka ikumi naibiri naiza emabega wa Yeesu, nakaanga okulugoye lwa Yeesu. ²¹ kubba yabalize ninakoma mbe okulugoye lwa yeesu nawona. ²² Naye oYeesu niyakyuukire namubona, namukoba nti mwaana waange guma omwooyo, okwiikiriza kwaamu kukuwonyere omukazi nawona okuzwa ebiro ebyo. ²³ OYeesu niyaikire omunyubba eyamusazza oyo, nabona ebakufuuwa emirere, nekibiina nga bakubba ebiwoowe. ²⁴ Nabakoba nti muzwweyo, kub, omwaana tafiire, wabula abbasiryembe, nibamusekeera muno. ²⁵ Naye, ekibiina nikyaagobeibwe, oYeesu nayingira omunyubba namukwaata okumukono, omwaala naimuka. ²⁶ Ebigaambo ebyo nibibuna okweetoolola ensi yoona. ²⁷ Nga oYeesu amaare okuzwaayo, abamuzibe abamaiso babiri nibamuseengeerya, nga bakubazira iguru nti tujjune iswe, we mwaana wa dawudi. ²⁸ Niyaikire omunyubba, bamuzibe abamaiso nibaiza gyaali, oYeesu nabakoba nti musobola okwiikiriza nti nsobola okukola kini nayeenga? nibamwiiramu nti nimwo kiri, mukama waiswe. ²⁹ Niyamaare nakwaata okumaiso gaabwe nabakoba nti; kemwiikiriize kibbe kityo era kibbe kityo. ³⁰ Amaiso gaabwe nigabonnya, oYeesu nabukuutira nti mubone tiwabbaawo muuntu okumanya. ³¹ Naye nibawulukaa nibabuulira ekigaambo kya Yeesu omunsi yoona. ³² Awoo nibaali nga bakuuluka, nibamuleetera akasiru nga aliku Oddayimooni. ³³ Awoo nappeka oddayimooni, okasiru nabaza, ebibiina nibyewuunya muno, byakangaanga nkabini omu Isiraeri. ³⁴ Naye Abafalisaayo nibakoba nti agoba oddaayimooni oku lwa buklu bwa ddayimooni. ³⁵ OYeesu nayakalayakala omubibuga byoona, nombuga zoon, nga akweegesya ebibiina ebibiina ebikumbaine, nga akubuulira enjiri eyabwabukama, nga akuwonyaendwaire zoon, nobunaki bwoona. ³⁶ Naye niyabweine ebibiina, nabasaasira kuba, kuba baali bakeerwe muno nga basasanire, nke ntaama ezitayina musuumba. ³⁷ Nalyooka nakoba ebeegi baamwe nti ebyakukuungula nibyo biingi, naye abakozi nibo badyooli. ³⁸ kale musabe omusaiza owabyakukungula asiindike abakozi omubyakukungula byamwe.

Chapter 10

¹ Nayeta abeegi baamwe ikumi naibiri nabawa obuyiinza omudayimooniegibbi nakuwonya endwaire zoonza ezabuyiinza bwoona. ² Abatume eikumi neibiri amabara gaabwe, nigo gani; eyasookere sayimooni akweetebwa peetero, nomugaande Andereya, oyakobbo omwaana wa Zebedaayo no Yokaana omugaande, ³ Ofiripo no Butalimaayo, tomasi no matayo omuwoza, Yakobbo omwaana wa wa ALufaayo no sadaayo. ⁴ OSimooni okanaanayo no YUda asikalyaayi eyamuliiremu olukwe. ⁵ OYeesu nabatume abo eikumi nababiri nababuulira nga akoba nti timwaaba nga mumazira gamawaanga era timwiingiraanga bibiga byaSamaliya. ⁶ naye akiri mwaabe eddi entaama ezaabure eza munyubba ya isiraeri. ⁷ Nimwaabbaanga mukutaambula mubuulirenge nga mukukoba muti obwabukama bwa mwiiguru bwaatera okwiira. ⁸ Mwonyeenge endwaire, muzuukuryenge abafu, muloongooseenge ababigeenge, mupeke oddayimooni, mwaweibwe mbe nyweena muwee mbe. ⁹ Timubbangana na Zaabbu, niwankubbaire effeeza, niwankubbaire ebikomo omunsawu zaanywe. ¹⁰ So, nensawu etaambula, niwankubbaire ekkanzu ezaambula eibiri, niwankubbaire ekaito, niwankubbaire omwiigolwakubba okola ekisaanireokuweebwa ekyakulya kyaamwe. ¹¹ Buli kibuga kye mwayiingiraangamu oba embuga muswaaganeengemu omuuntu gyaali akusaana, musuleenge omwo okwiika nimulizwaayo. ¹² Nimwayiingiraanga omunyibba mugiramukyeenge. ¹³ Enyubba niyasaananga, emireembe jaamu giizenge okuyo: naye netasaananga, emireembe jaamu jirenge jemuli. ¹⁴ Eraa omuuntu nataasembereyenge newankubbaire okuura ekigaambo kyaanywe, nimwaajwaanga omunyibba oba omukibuga ekyo, mukunkumulaanga okyuukyu wa mumagulu gaanywe. ¹⁵ Ddala nkubakoba ntiensi ya sodoma no gomola eriba nokubonyabonyezebwa, okuligumikiruzika okulunaku lwa misaango, okusiinga ekibuga ekyo, ¹⁶ BONA, nje nkubatuma nke ntaama akati omu misege: mubanga namagezi nkonjoka, era mubbange nke njiwa obutabba bakuusa. ¹⁷ Naye, mweekuumenge abaantu, kubanga bali bawaayo omunkiiiko, mumakambaniita gaabwe bali bakubbirayo. ¹⁸ Era muli twaalibwa eddi needi abakabaka okubalaanga nje, okubba abajuurwa eddi bbo nabamawaanga. ¹⁹ Naye nibaali bawaanga yo, timwllaliikiiranga nti twaabakoba tutyai? ye twaabaza ki? kubbaanga muliweebwa omukiseera ekyo kyemuli bazza. ²⁰ Kubanga tiniinywe mukbaza wabula omwooyo gwaito waanywe nigwo gulibazira omunywe. ²¹ Awalugaanda aliwaayo omugaande okuffa, no itaamwe omwaana, nabaana abanjeemeraanga abababyaala, okubaitisya. ²² mukwiiza kukyaayibwaanga abaantu boona kulwakubba eibara ryaange, naye alinyinkira okwiika okunkomerero, ali lololwa. ²³ nibabagobaanga omukibuga ekyo, mwirukiraanga omukyababiri, nkubaanga ddala nkubakoba nti timuli bunya kibuga kya Isiraeri, okwiikya omwaana wamuuntu naliiza. ²⁴ Omweegesya tasiinga gwe bakweegesya, so, omwiiru tasiinga mukama waamwe. ²⁵ kimumala okubanga Omweegesya okubba omweegi, Nomwiiru okubanga mukama waamwe. oba nga beetere onanyini nyubba beeruzebuli, tibali siingisyaawo abali omunyibba yaamwe. ²⁶ Kake timubatiinanga, kubanga ndoowo kigaambo kya kkwekeibwe, ekitali sweekulwa, wadde okumanyibwa. ²⁷ nikyo mbakobera mwiikirize, mukibazireenge mwiisana: kyemuura omatwi, mukibuulirenge iguru kunyubba. ²⁸ Timubatiinanga abaita omubiri, nayenga tibayiinza kwiita bwoomi: naye mumutiinenge ayiinza okwiita obwoomi no mubiri omugeyeena. ²⁹ Enkazza lujja eibiri tibazituunda ipeesa limwe? era ndoowo okuzo eriggwa ansi nga oitanywe takumanya. ³⁰ Era neisoke lyaanywe erya kumutwe rya baliibwe ryoona. ³¹ Kale timutiinanga nywe musiinga enkazza lujja eziingi. ³² Kale buli muuntu yeena ali njaturanga omumaiso gabaantu, njeena ndi mwaaturaanga omumaiso ga itaange ali omwiiguru. ³³ Naye yeena ali neeganira omumaiso gabaantu, njeena ndi mweeganira omumaiso ga itaange ali omwiiguru. ³⁴ Timulowooza nti naizire kuleeta mireembe kuunsi, tinaizire kuleete mireembe, wabula ekitala. ³⁵ Kubanga naizire kwawukanya mwaana naitaamwe, omaala nomaamwe, omugole nonyubyaala. ³⁶ Abalabe bamuntu babbaanga bamunyubba yaamwe. ³⁷ Ayeendya oitaamwe oba omaamwe okusiinga nje, tasaanire, ayeendya omutaani oba omwaara okusiinga nje, tasaanire. ³⁸ Nooyo atakwaata musaalaba gwaange nataseeneerya mabega waange, tasaanire. ³⁹ Abona obwoomi bwaamwe alibubulya; abul; ya obulamu bwaamwe okulwaange ali bubona. ⁴⁰ Aikiriza nywe aikiriza niinje, aikiriza nje nga aikiriize eyantumire. ⁴¹ Aikiriza onabbi omwibara rya nabbi ali weebwa emppera ya nabbi; aikiriza omwiikiri omibara lya mwiikiri ali weebwa empeera yamwiikiri. ⁴² Era buli amuwa ekyakunywa omukikopo amaizi nga ga kufuka kyonkai, omwiibara rya mweegesya, amazima nkubakoba nti epeera yaamwe teri mubula nakadyooli.

Chapter 11

¹ Awo olwaikire oyeesu niyamaare oklaangira abegesebwa baamwe eikumi nababiri ya zwiireyo nataandika okweegesa omubituundu byaabwe. ² OYokaana niyawuliire bya Yeesu kurisito natuma abegesebwa baamwe. ³ Oumukoba we niye akwiiza kanda tuliinde woondi? ⁴ OYeesu nairamu nabakoba nti mwiire yo mukobe OYokaana bye mukusomesya neebyo bye mukubonaku. ⁵ Abaigali bamaiso baabonerye abalema bataambwiire. nabageenge batambiibwe nabaigali bamatwi bawuliire nabaffu bazukiire. ⁶ Yeena alina omukisa tali nesitaalaku. ⁷ Boona nibaayabire, OYeesu nasooka okubaza ne bibiina oku Yokaana nti kiki kye mwayambiire omwiirungu okwikaliira ekimuli ekiteengetebwa ompuungo? ⁸ Naye kiki kye mwagendereire okubona omuuntu azwaire ebikumyansa myaamsa boona abazwaala ebikumaansay myansa baaba mu bwakabaka bwa Nyamwanga. ⁹ Naye kiki kyemwagendereire okubona onabbi wewaawo bakoba mbu akusiingira kimwe abanabbi. ¹⁰ Oyo niye yawaandiikibwe bona ntuma nkutuma. omukweendya waange omumaiso gaamu, alikulrmbere ali loongoosa enzira. ¹¹ Dala mbakoba nti naabo tazwaayo omuuntu eyabyaliibwe siinga oYokaana naye omuto muto omubwabukama bwa Nyamwanga akumusiinga. ¹² Okuzwa okubiro bya yookaana okwiika ereero obwakabaka bwamwiiguru bwawangulwa nabawaangula obunyaga bwamaani. ¹³ Kubbanga abanabbi boona nabaware obuyiinza balagule okwiika okuYokaana. ¹⁴ Era oba mukweendya kwiikiriza, oyo niye eibara akwiiza. ¹⁵ Aina amatwi gakuwura, awure. ¹⁶ Naye naisanisyaki emireembe zini, zikwisana abaana abato abeeta abaira baawe nga baikare omubutale. ¹⁷ Nga bakoba nti twabafuwiire emirere, naye nywe timwabinire, twabakubbire ebiwoowe, timwakungire. ¹⁸ Olwakubba oYokaana aizire nga takunywa takulya, nibabaza nti aliku odayimooni. ¹⁹ omwaana wamuuntu yaizire nga akunywa akulya, nibabaza nti bona, mutamiire omunyaani wabawooza nabalina ebibbiamazima gaawebwa obwikiiri olwabikolwa byaago. ²⁰ Nasokera awo okubulira omubibuga bye ya koleiremu ebyamaani, kubbanga tibyenenyere. ²¹ Zirikusaanga we kolaziini, zirikusaanga we Besusayida kubbannga byamaani ebyakoleibwe omu nywe, siinga byakolibwe mutulo eSidonisiinga byenenyere irai siinga bali mwikoke. ²² Naye nkubakoba okulunaku lwamisaango oTulo no Sidooni balibba no bonereezebwa okulugumiikrizibwa okusiinga nywe. ²³ Weenna kaperenawumu oligulumizibwa okwiika omwiiguru oli serengeta magoombe: kubbanga ebyamaani ebyakoleibwe omuwe siinga byakoleibwe mu Sodoma, siinga kiriwo nati. ²⁴ Bakubakoba nti okulunaku lwa misaango ensi ya Sodomu eribba no kubonyabonyezebwa kwa maani okusiinga nywe. ²⁵ Omubiro bya Yeesu yairemu nakoba nti nkukweebalya iito waange wamwiigurunensi ol wakubba, ebigaambo bini, ama gezi gamukama noga sweekura abaana abato bato. ²⁶ Wewaawo nimwo kityo kiikirizibwe omumaiso gaamu. ²⁷ Ebintu byoona byakwatiibwe oito waange ndoowo muuntu amaite mwaana okuyaku oite waamwe, ndoowo amaite oitaamwe okuyaku omwaanabuli muuntu omwaana niye gwakweendya okumweswekuura. ²⁸ Mwiize jee ndi, nywe abakeerwe naabo abazitowereirwe naanje nabawumulya. ²⁹ Mwetiike ekikoligo naanje, mwegere okuunje, kubbanga ndi mweteeki era muwumbeeki omutima: Nyweena muli bona ekiwumulo ekya myooyo jaanywe. ³⁰ Kubbanga ekikoligo kyaange tikizibu, nomugugu gwaange gwaangu.

Chapter 12

¹ Awoo mubiro bya Yeesu nayakala omusiri gwa ngaanooku lwa sabbiti: abegesya niba lumwa enzala. ² Naye aBafalisaayo bwebaboine, nabakoba nti bona, abeegesya baamu bakola ebyamuzizo okukoorwa okulwa ssabbiti. ³ Naye nabakoba nti temusoma bys Dawudi byeyakoore, niyaali ezala nebeyaali nabo. ⁴ Niyaangiire omunyubba ya Nyamwanga, nalya emigaa ti jakulangibwa ejaali jamizizo okujirya niwankubbaire, wazira abakabona bonkai. ⁵ Nindaki musomaanga omumateeka, abakabona omuyeekaalu nibasoberye okussabbitti, tibairye musaango? ⁶ Naye nkubakoba ntt ali awo akusiinga eyeekaalu. ⁷ Naye siinnga mumanya amakulu gakini nti nkwenya kiisa, so tisadaaka, timwanndinenyere abairye omusaango. ⁸ Kbbanga omwaana wamuun tu niye mukama wa saabbiti. ⁹ Nalugayo naiza omwikumbaniri lyaabwe. ¹⁰ Boona, mulimu ayayina omwe omukono ogukaare, n ibaamubwiirye, nakoba kisai okuwonya omuuntu okusabbiti? era olopebwe. ¹¹ Nkobanti naani omunye, nabba nentaama zamwe omwe nagwa okiina okusabbiti, atamukwaata kumutoolamu? ¹² OMuntu takira ntaama ? kale kisai okola okusai okusaabbiti. ¹³ Awoo nakoba omuntu o yo nti golola omukono gwaamu. nagwiimukya, niguwona, niguba gwa kabiri. ¹⁴ Naye abafalisaayo nibawuluka, okumwetesera ngeri niba muzikiirya. ¹⁵ OYeesu nabitegeera yazwiireyo: Abaantu baingi nabataambula naye; nibaaba boona. ¹⁶ Nabagaana obutamwatiikirya. ¹⁷ Kikiriire ekyabaziibwe omu Isaaya nti; ¹⁸ Bona omwoojo waange gwenakomeryeemu, gwenyendya asemeerya omwoyo gwaange, alikobera aMaanga omusaango. ¹⁹ Talirwaana, wade okuwowoigana; era tiwalibbawo muuntu ali wuura eiraka lyaamwe omuwaanda. ²⁰ olubinngo olwatikitalilwenda, eran efuuzi ezikunyooka talizikiira, okwiika nalisiingula omusaango. ²¹ ²² Awoo nibamuleetera omuuntu aliku odayimooni, nga mwiigali wamaiso era kibbubbu, namuwonya, atabazaanga era nga takubonnanasimoola era nabaza. ²³ Ebibiina nibiwuninkiira byona, nibabaza ntini oni niye mwaana wa Dawudi ? ²⁴ Naye Abafalisaayo nibawuliire, nibabaza ntini oyo tapeke ddayimooni , wazira okulwa Beruzebbuliya omukulu wa ddayimooni. ²⁵ Niyategeire okulowooza kwaabwe nabakoba ntini buli bukama bwawukana bwonkai nabwonkai busanawo; nabuli kyangabuga oba enyubba neyawukana nayonkkai teyemeera. ²⁶ Era no sitaani napeka ositaani ayawukana yenkai nayenkai; nobukama bwaamwe bulyemeerawo butyai? ²⁷ Oba nje mpeka odddayimooni kulwa Beruzebulia abaana baanywe bajipeke kulwanaani ? ale abo nibo balibasaara omusaango ²⁸ Naye oba nje mpeke ddayimooni okulwamwooyo gwa Nyamwanga, ale obukama bwa Nyamwanga bubazire. ²⁹ Kubaanga omuntu ayiinza atyai okwiingira omunyubba yamuuntu owamaani oddi? olyooke onyangule enyubba yaamwe. ³⁰ Omuuntu ataikala nanje munyanzigu wange, neera omuuntu ata kumbanirya amwe nanje adubudda. ³¹ Nikyo azwa bakoba ntini, abaantu bali ganyihirwa buli kabbi nokutyoboola omwooyo tali ganyirwa. ³² Era buli muuntu atyoobola omwaana wa muuntu aliganyirwa; Baitu buli muuntu ali tyoobola omwooyo akwwera tali ganyirwa, newankubbatyire omubyaasa byaamwe naati, neawankubbaire omubyaasa byaamwe ebikwiiza. ³³ Oba ofuula omusaale ogusai, nebibala byaago bibbebisai; oba mufuule omusaale ogubbi, nebibala byaago bibbe bibbi. kubaanga omusaale gumanyikirwa kubibala byaago. ³⁴ Nyweenaabbana banjoka, muiyinda mutyai okubaza ebigaambo ebisai ngaate muli babbi,? lwakubba ebyo ebizuula emitim, alanwa kaabyo kabaza. ³⁵ Nti omuuntu omusai nebisai biiza omwiibikiro lyaamwe ensai: nomuuuntu omubbi nebibbi biiza omwiibikiro lyaamwe ³⁶ Era nkubakoba ntini buli kigaambo ekitalimu baantu ktebakubaza, bali kityobolesya ekiro kyamisaango. ³⁷ K ubaanga ebigaambo ebyo byaal;i kuweesya obwikiiri, nandiki ebigaambo ebyo nibyo byaali kusiingisya omusaango. ³⁸ Awoo abandiiki abandi naba bafalisaa yo ne bamwanikula nibakoba nyini omweegesya tukweendya otu[laange akamanyisyo tukamanye. ³⁹ Yeena nayanukula nakoba ebiro ebibbi era ebyabweenzi biatoolya akamanyisyo soonnga tibaliweebwa kamanyisyo, wazira akamanyisyo, kamulaangi yeena. ⁴⁰ Kubaanga oYona niyamaare ebiro bisatu, emisana no bwiire, omuunda yaanywe, Atyo nomwaana wamuuntu alimala ebiro bissatu, emisana nobwwire omutima gwaalyanga. ⁴¹ Abaantu ba Nnineeva balyemeera omusaango amwe nabaantu ebiro bini, era bali basiib=ngisya omusaango kubaanga oYona niyaali buulire nibeenenya; era bona, akira oyona ali mpani. ⁴² Omukama mukazi owabikiika bwa ddyo alyemeera omusaango amwe nababiro bini, era abali basiingisya omusaango; kubbaanga yazwiire nkunkomerero yelyanga okuura amagezi ga sulemaani rea bona, akira osule maani ali mpani. ⁴³ Naye odayimooni omubbi naluga omuuuntu, ataambula omwiiruungu agakalu, nga akuswwaga owakuumura era nubuyilwa. ⁴⁴ Nikyo azwa bakoba nti nairayo omweeka lyaange mwenazwiire, nagiikamu, nabona oyeibwe, ginyiriri, nga erongoseibwe. ⁴⁵ Awoo ayaaba, naleetera odayimooni eziindi musaanju, egimukiraku obubbi, niziingira zoonza omwu; nebyaluzwanyuma byamuuntu otyo birikiira ebibbi ebyekerere. nikyaalibba kityo ababyaasa bini ebibbi. ⁴⁶ Niyaali akubaza nebibbiina, boona, omaamwe nabagaande baali bemereire enzai n ga bakweendya .

okubaza naye. ⁴⁷ Omuuntu namukobera ntini bona, omaa wo nabagaandaawo bemereire enzai, bakweetaga kubaza naawe. ⁴⁸ Nairamu oyo naani amusibiriire nti naani omawange? banaani bagaanda baange ? ⁴⁹ Awoo naimula omukono edii abeegeesya baamwe, nabakoba ntini bona omaama nabagaanda baange. ⁵⁰ Kubbanga buli akola oyito waange byayeendya, niiye mugaanda waange, munyanyanzi waange era mawaange.

Chapter 13

¹ Obwiire obwo oYeesu nawuluka nawuluka omunyubba naikaara emabbali wanyaanja. ² Ebibiinja ebiingi nibimwekuumbaniraaku, nasomoka nokusomoka, naikala ebibinja byoona byoona nibyeemera omwiirisiryo. ³ Nbaza nabo biingi omufumu nakoba ntini boona, omusiigi yamulokweire okusiiga. ⁴ Niyasiganga ensigo zimwe niziggwa emabbali emabbali enyonyi nizizirya. ⁵ Eziindi niziggwa ewaali enjazi, ewataali itakali erirai, amaangui aago nizimera kuba tiwaaliwo itakali lirai. ⁶ eisana niryazwaangayo niziwotoka, kuba tizaalina mizzi nizikala. ⁷ Eziindi niziggwa okumawa amawa nigazizikisya. ⁸ Eziindi niziggwa okwiitakali erisai nizibyaala emere.eziinndi lukumi, enkaaga, eziindi amakumi asaatu, ⁹ Alina amatwi awuure. ¹⁰ Abeegesya baamwe nibaiza nibamukoba nti kiki ekikubazisya naabo omufumu? ¹¹ Nairamu nabakobanini nywe muwebwe bwe okumanya ebigaambo ebyakyaama ebya bwa bukama bwamwiguru naye tibaawuliire ¹² kuba buli aliweebwa, era alikulumawo, naye yeena yeena atalina ayiibwaaku nekaalinawo ¹³ Nikyombazira nabo omufumu, nibabonya tibabinya, nibawura tibawura, era tibategeera. ¹⁴ Naye Oisaaya niyasamiire byaikiire ebyabaziibwe muliwuura mbe naye temuli tegeera be, muli bona naye timulityegezeza bbe. ¹⁵ Kuba omwooyo gwabaantu bani gunoore namatwi gaabwe gawura kubbi, namaiso gaabwe gabaigaare, baleme okubona namaiso, nokuwuura namatwi , nokuteegera nomwooyo, nokukyyuka, nimbawoonya. ¹⁶ Naye amaiso gaabwe gaalina omukisa, kuba gabona namatwi gaabwe gawura. ¹⁷ Kuba kangura mbakoba nti baingi, abakiiri abeegomba okukubaaana bemuloleera nibatabibona, nokuwuura bye muwuura nimutawuura. ¹⁸ Kale nywe muwuure olufumu lwa musiigi. ¹⁹ Yeena yeena awuura ekigaambo kyabukama nga takitegeire, omubbi, oyo aiza nanyakula okyo ekisigiibwe omumwoopyo omumabbali gaanzira. ²⁰ Nooyo eyasigiibwe ewaali enjazi, niye oyo awuura ekigaambo amaangu ago naikiriza nokusemeerwa. ²¹ Naye tayina mizzi omuunda yaamwe, alwaawo kadooli, niwaabbawo enaku nokunyigirwa olwakigaaambo naye okweelaliikiira okwaansi nobubeegi bwabugaiga, baziikisya ekigaambo era tayala. ²² Nooyo ayasigiibwe omumawa okwiitakali erisi, oyo awuura ekigaambo naye okweraaliikira kwa nsi nobubeegi bwabugaiga bizikisya ekigaambo era tikaala. ²³ Nooyo eyasigiibwe okwiitakali erisai oyo awuura ekigaambo nakitegeera oyo kakyaaumwe ebyaala ebibala owoondi allete kikumi, owoondi nkaaga,nowoondi amakumi assatu ²⁴ Awoo nabaleetera olufumo oluundi nabaza nti obukama bwa mwiiguru bweisaniisiirya omuuntu eyasigire ensigo ezisai omumusiri gwaamwe. ²⁵ Naye nabuli obabasiirye omulabe naiza nasigamu ongano eya mukisiko omungaano egisai nayaba. ²⁶ Naye niyabutukire, nebyaala nebonekaa nke ngaano yamukisiko ²⁷ Abairu nibaiza nibakoba omusaiza nti ssebo, tiwasigire nsigo gisai om,usiri gwaamu?kale yaali etyai okubbaamu engaano ya mukisiko? ²⁸ Nabakoba nti omulabe ye yakooore otyai? abairu nibamukoba nti kale okweendya twaabe tugizubemu? ²⁹ Naye mbakoba nti mbe, okuyaku nimwaabba mukuzubiramu engaano eyamukisa, mwaiira engaano yenyini ³⁰ Muleke bikale byoona biike amakuungula omubiseera bya makuungula ndikoba abakuunguli nti musook e mukumbaannye engaanno eya mukisiko mubbwe entuumo eyoccebwe, engaano yenyini mugikumbbannye omukitali kyaange. ³¹ Nabaleetera olufumo oluundi, nga okukoba nti obukama bwamwiiguru bukwiisana nakasigo kakalidinaali, omuuntu keyairiire nakasiga omumusiri gwaamwe. ³² Naako nga niko kadooli okusiinga ensigo zoon; naye nikakula nikabba kakooto okusiinga ekisiko kyoona nikabba omusaale nenyonyi ezamwibbaanga nga zikwiiza, nga zibba okumataagi gaagwo. ³³ Nabageera olufumo oluundi nti obukama bwa mwiiguru bwiisana ekizimbisya omukazi kyeyariire nateeka omubwiibbo bussatu obwabwiita, nokuzzimbulukuka nibuzibulukuka bwoona ³⁴ Ebigaambo ebyo byoona oYeesu yabikobere ebibiinja no lufumo naye awataali lufumo tiyakobere kigaambo. ³⁵ Kikiriire ekyabaziibwe onabbi nga okukoba nti ndyasaamya omunwa gwaange omunfumo, ndireeta ebigaambo ebyakwekeibwe okunsi. ³⁶ Awoo nasiibula ebibinja naingira omunyubba, abeegesya baamwe nibaiza jaali nibakoba nti tukutegeeza lufumo lwa ngaano eyamukisiko. ³⁷ Nairamu nakoba nti asiga ensigo egisai yeena mwaana wamuuntu. ³⁸ Omusiri nijo ensi, ensigo egisai nibo baana . ³⁹ Omulabe eyagisigire niye sitaani: amakuungula nikwo kusaanawo kwansi, nabanguli nibo bamalaika. ⁴⁰ Kale nke ngaano eya mukisiko, nekumbbanibwa neyokyeibwa omuuro; nimwo kiribba kutyo okukusaanawo kwaansi. ⁴¹ Omwaana wamuuntu alituma abamalaika baamwe nabo abaliiza omubukama bwabyoona ebikutiinisya naabo abakola okubbi. ⁴² Balibanagga omikikoomi kya muuro nwomulibba okuunga amaliga nokulumwa obujune. ⁴³ Kale abaantu abaikiiriire bali masamasa nkeisana omubukama bwa ite waabwe. alina amatwi awuure. ⁴⁴ Obukama bwamwiiguru bwiisana ekyabugaigai ekyakwekeibwe omulusuku, omuuntu molibona nokikweeka olwakusemeera okwiingi nayaba natuunda byeyallina byoona nagula olusuku olwo. ⁴⁵ Nekiindi obukama bwamwiiguru bwiisana omuuntu omutembeeyi akuswaagana ekiintu kyabbei ekisai. ⁴⁶ Niyabweine ekyabbei ekimwe nayaba natuunda byaalina byoona nakigula. ⁴⁷ Nekiindi obukama

bwamwiiguru bwiisana ekibazzi kyebanaga omunyaanja nokuumbaannya ebiin tu ebyanjawulo. ⁴⁸ Nikyaizwiire, nibakiwalula omwirisiiryo nibaikaara nibakuumbaanyira ebissai omubiibbo ebibbi nibabinagayo. ⁴⁹ Nimwo kiribba omukusaanawo kwansi abamalaika baliiza, balisuunsula abaantu ababbi omubaikiire. ⁵⁰ Balibanaga omukikoomi ekyamuuro nimwo balibba okukuunga amaliga nokulumwa obujune. ⁵¹ Mubitegeire ebigaambo bini byoona? nibamukoba nti nimwo. ⁵² Nabakoba yeena yeena omuwandiiki eyayegeibwe ebya bukama bwamwiiguru nikyoisaniire omuuntu alina enyubba yaamwe yamwibiikiro lyaamwe ebiintu ebiyaaka nebikaire. ⁵³ Awoo olwamaare oYeesu niyamaare enfumo zini nazwaayo. ⁵⁴ Niyaikire omunsi eyawaabwe nabeegesya omulukumbaano lwaabwe okuwuniinkiira niba wuniinkiira nibakoba nti oni eyaizire wa magezi gaayi nebyamaani bini? ⁵⁵ Onii tiniye omwaana wamubaizzi? omaamwe tiniye gwebeta omalyamu? nabagaanda baamwe Oyakobbo, oYUsufu, osayimooni no Yuda? ⁵⁶ Nabamaamwe boona tibaali waiswe? Kale onii yayira ayi ebigaambo bini byoona? ⁵⁷ Nebamugongeera, nooyo OYeesu nabakoba nti nabbi tabulwa kitiinisya wabula omuunsi yawaabwe nomunyubba yawaabwe. ⁵⁸ Eraa tiyakooreyo bya nfumo biingi olwabutaikiriza bwaabwe.

Chapter 14

¹ Omubiro bidi okerode nowaasaza nawuura okujjiwiga kwa yeesu. ² Nakoba nti oyo niye oyokaana omubatiza, ayimbookere okuzzwa omubqafu era ebyamaani bini nikyo bikuzwa biboneka omuye? ³ Kubaanga okerode yaali asibire oyokaana omukomera olwa kerodiya omukazi wa firipo omugaanda waamwe. ⁴ Olwansoonga nti oyokaana yamukobere nti kyamuzizo we okubba naye. ⁵ Naye niyaali nga akweendya okumwiita yatiinire abaantu kubanga bamulowoozere nti yandibba mulaangi. ⁶ Nilwaikire olwakwizukira amabyaalibwa ga kerode omwaaara wa kerodiya nabina omumaiso gaabwe nga okusanyusa okerode. ⁷ Awoo nalaira era nasuubiza okumuwa kyoono kyeyasaba ⁸ Naye niwawebwebwe omaamwe, nakoba nti empeera naani mulutiba omutwe gwa yokaana omubatzwa. ⁹ Omukama nalumwa, naye olwabirairo byaamwe, nolwaabo abaali baikaire nga bakulya amwe nabo nalagira nti aweebwe. ¹⁰ Natuma batemeku oYokaana omutwe nga ali mwikomera. ¹¹ Nibaleeta omutwe gwaamwe omulutiba nibaguwa omwaaara agutwaare omaamwe. ¹² Awoo abeegesya baamwe nibaiza nibaimula omulaambo gwaamwe, nibamuziika oluzwanyuma nibaaba nibakobera oYeesu. ¹³ Awoo oYeesu niyawuliire nazweera yo omulyaato nayaba owaali eiruungu kyaama: ebibiina nibyawuliire nibazwa omuk ibuga nibaseengeerya nga bakwaakala enseeri. ¹⁴ Nazwaayo nabona ekibiina ekigazzi nabikamaanntya, nawonya abalwaire baabwe. ¹⁵ Nibwaswekererye, abeegesya nibaiza adii, nabakoba nti anii iruungu obwiire bwakaire, tayisya abaantu baaba omukibuga bagule emere balye. ¹⁶ Naye oYeesu nabakoba nti ndoowo kikubairyaayo nywe mubawe ekyakulya. ¹⁷ Nibamwiiramu nti titwiina kiintu kyoono kyoono anii okuyaku emigaati itaanu nebinage bibiri. ¹⁸ Oyeesu nabakoba nti mubindeetere anii: ¹⁹ Nalagira ebibiina okwikaara okwiisubi nabawa emigaati itaanu amwe nebinage bibiri, naloleera aiguru omwiiguru niyeebalya, namenyamu emigaati nagiwa abeegesya nibagabira ebibiina. ²⁰ Nibalya boona nibaikuta nibamaare nibakumbaannya obukunkumuka obwasigairewo, ebiibbo ikumi nabibiri byasigairewo. ²¹ Abaalire baali abasaiza enkumi itaanu, abakazi nabaana nga tobateireku. ²² Amaangu agoo nawaliriza abeegesya okuseyeeya okumaizi bamukuleembere okwaaba enseeri amale okusiibula ekibiina. ²³ Niyamaare okutaisya ekibiina niniina olusozi yekaalu okuramy, obwiire nibwaswekere nabbeyo yeenkai. ²⁴ Naye obwaato bwaali bumaare okwiika omumakati ga nyaanja, nga lyenagire olwa mayeengo kubaanga ekiimpungo kyaali kikubazwa mumaiso. ²⁵ Awoo omukiire, kya kususumuka ekyakanai naiza gyebali nga akutaambura okunyaanja ²⁶ Abeegesya nibamubwine nga akutaambula okunyaanja, nibelalikiira nga bakoba nti muzimu, nibeekanga nibatiina. ²⁷ Amaangu agoo oYeesu nabaza nabo nabakoba nti mwiiremu omwooyo: niinje oyoo timutiina. ²⁸ OPeetero namwiiramu namukoba nti mukama waange oba niiwe nkoba nyizze jooli okumaizi. ²⁹ nakoba nti iza oPeetero nazwa omuryaato nataambuura okumaizi okwaaba eddi oYeesu ³⁰ Naye niyabweine ekimpungo natiina nataandika okusanawo, nakuunga nakoba nti Nyamwanga waange ndokola. ³¹ Amaangu agoo oYeesu naimula omukono namukwaata namukoba nti niiwe oyina okwiikiriza okuddyooli: kiki ekikubulya bulya? ³² Nibaateembere eryaato, ekiimpungo nikiwaawo. ³³ Abaandi abaali omuryaato niba muramy nga bakoba nti olii mwaana wa Nyamwanga. ³⁴ Nibaamare okusomoka nibaika enseeri: olwa Genesaleeti. ³⁵ Abaantu baaayo nibaamutegeire nibatuma omwiyaanga eyo Oyoona erinainewo nibamuleetera boona abalwaire. ³⁶ Nbamwegaira bakwaateku okumuddalizzo gwa lugoye lwaamwe boonaboona abakwiteku nibattambibwa.

Chapter 15

¹ Awoo nibaiza edi oYeesu aBafalisaayo nabawaandiiki abakuzwa omu Yerusalemi nga bakoba ntti, ² Abeegesya abamwe kiki ekibasiissya emikiiro kiroye gyetwawebwebwe abakaire? olwakubba tibanaaba ngalo nga bakulya emeere. ³ Nairamu nabakoba naanywe kiki ekibasiissya riteeka rya Nyamwanga olwa mikiro kiroye gyemwawebwebwe? ⁴ Olwakubba oNyamwanga yakobere nti, oteekangamu oiteewo nomaawo ekitiinisya nowoondi ali zzuma otaamwe nomaamwe bamwiiteengembe. ⁵ Naye nywe mukoba nti buli alikobaanga oitaamwe obba omaamwe ntikyoono kyoono kyenandikuwaire okkugasa nkiwaire oNyamwanga. ⁶ Alyerabira okutaamu ekitiinisya omwiito waamwe, mwadibirye ekigaambo kya Nyamwanga olwa mikiro kiroye ggyimwawebwebwe. ⁷ Nywe abanakiweweita, OIsaaya yalagiire kusai okunywe, nakoba nti, ⁸ Abaantu bani banteekamu ekitiinisya kya kumunnwa nayete omyooyo gyaanywe giri alai. ⁹ Nayete baantekeramu bwerere nga bakweegesya ebiragiroye byabaantu bya bakwaata. ¹⁰ Nayeta ebibiina nabakoba nti, muwuliirye, mweetegye. ¹¹ Ekiingira omumunnwa nti nikyo kisiisa omuntu nayete ekizwaamu, nikyo kisiisa omuntu. ¹² Awoo Abeegesya nibaiza nibamukoba ntti; omaite aBafalisaayo nga baanyiigire, nibaawuliire ekigaambo ekyo? ¹³ Yeena nairamu nabakoba nti buli kisiimbe oito waange kyaata siimbire omuwe kiri siimbulwa. ¹⁴ Mubaleke abasaale obatabonnya. naye omwiigali wa maiso nakuleembera omwiigali omiraamwe boonaboona baliggwa omukiina. ¹⁵ OPeetero nairamu namukoba nti ruunguura olugero olwo. ¹⁶ Yeena nakoba nti eraa nyweena mukyaali kubona magezi. ¹⁷ Tukumweeteja tuti, buli ekikwiingira omunnwa nikinagibwa omkiigo. ¹⁸ Nayete, ebikuuluka omunnwa bikuzzwa kumwooyo, nibyo ebikusiisa omuntu. ¹⁹ Olwakubba nti omwooyo nimwo muzzwa endowooza ezibbi, obwiiti, obusiyaani, obukaba, obwiibbi, okwaangiirya, nokuzzuma. ²⁰ Ebyo nibyo bisiisa omuntu: naye okulya nga tonaabire mungalo tikusiisa muuntu. ²¹ OYeesu nazwaayo nayaba okunjuui zaamwe Ttulo ne sodoni. ²² Alee, bona omukazi omukanani nazwa okumbibi eyo, nabazira aiguru nga akoba nti onasire oNyamwanga waange, omwaana wa Dawudi Owaara waange alwaire omuno odayimooni. ²³ Naye natairamu kigaambo. Abeegesya baamwe nibaiza nga bakoba nti musiibule kubaanga atukokomeera ekaizuli. ²⁴ Yeena nairamu nakoba nti tinatumiibwe wazira eddi Entaama ezaabure eza munyubba ya Isiraeri. ²⁵ Yeena naiza namuramywa nga akukoba nti Nyamwanga waange nyaamba. ²⁶ Nairamu namukoba nti, tikisai kwiirira mere yabaana noginagira embweene. ²⁷ Yeena nakoba nti nimwo Nyamwanga waange kubba neembweene zirya obukuunkumuka obuzwaa okumeeza yamukama waamu. ²⁸ OYeesu nairamu namukoba nyi we omukazi, okwiikiriza kwaamu kukooto kibbe jooli nkanokweendya omwaara nawona okuzzwa okukiseera ekyo. ²⁹ OYeesu nazwaayo, naira okulukeito olwanyaanja eyaGaliraaya, naniina okulusozi, naikaara okwo. ³⁰ Ebibuura biingi nibiizajaaali nga balimu abukukyoodera, abakasiru, nabalema, nabaandi baingi nibabata awali amagulu gaamwe nibataambibwa. ³¹ Eibuura nokwewunakya nibenaikya, baabweine abakasiru nga bakubaza nabakukyoodera nga bakutaambula, nibaramya oNyamwanga wa Isiraeri. ³² OYeesu nayeta abeegesya nabakoba nti Nganyira abaantu kubaanga ereero baakamala naanje ebiroye bisatu, nga tibayina kyakulya: nokubasiibula nga baina enzala tikukyeendya kaanda babbalukira omwaanda. ³³ Abeegesya nibamukoba nti twayajja ayi owa migati Egiingi giti omiiruungu ejaikutisya ekibiinja ekikootoekikweenkana anii? ³⁴ OYeesu nabakoba nti mulina emigaati imekai? nibamukoba nti musaanju, nebinage bitono tibiingi ³⁵ Nalagira ekibiinja okwiikala ansii; ³⁶ Natoola emigaati musaanju nebinage niyeebalya namenyamu nawa aBeegesya, aBeegesya nibagabira ebibuura. ³⁷ Nibalya boona nibaikuta nibakumbaanya obukuunkumuka obasigairewo ebigega musaanju ebyaizwiire. ³⁸ Nabo abaalire baali enkumi inai(4000), abakazi mabana obutabagaitaku. ³⁹ Nasiibula ebibuura, naseeyeya omuryaato naiza oMumbibi ya Magadani.

Chapter 16

¹ Abafalisaayo nabakadikaayo nibaiza bamukeme nibamusaba okubakobera obubonero okuzwa omwiiguru . ² Yeena nabairamu nabakoba nti nibwaabba busweekere munkoba nti mukwiiza kubba kusai olwakubba eiguru riribba rimyuukire ³ Nemaambya nti ekiwuungo kyabbaawo: kubaanga eiguru limyuukire likubiindabiinda. mumaite okwaawula eiguru nekisana naye timuyiinza kwaawula bimanyisyo bwabiro. ⁴ Ababaasa ebibbi era ebya bweenzi baswaagana akamanyisyo, naye akamanyisyo tibaali kafuna. akamanyisyo ka yona nabaleka awoo nayaba ⁵ abeegesya nibaiza enseeri nibeerabira okutwaala emigaati. ⁶ OYeesu nabakoba mololeeremwekuume ekizimbulukusa kyabaFalisaayo nabasadukaayo. ⁷ Nibaawukana boonkai ngabakoba nti tetuletete migati. ⁸ OYeesu namanya nakoba nti naye baina okwiikiriza okudooli, kiki kubakaayanya nywenkainanywenkai olwakubba timuleetere migaati? ⁹ Mukyaali kutegeera, naye timukwiizukira migaati eitaanu edi aboo enkumi eitaanu, nebiibbbo bye mwakubbainnye? ¹⁰ Eraa emigaati musaanju eddi aboo enkumi einai, Eraa nebigega byemwaakumbainnye. ¹¹ Ekibagaina kiki okkutegeera nti timbagabiriire olwamigaati naye mweekume ekizimbulukusa kya Bafalisaayo na basaduukaayo. ¹² Nibalyooka nibategeera nti tabakobere kwekuuma kizimbulu, kusa kya migaati, okwiingira kwa baFalisaayo naba sadukaayo. ¹³ Awoo oYeesu niyaizire ampii nakasisaaliya ekya Firipo nabuulya abeegesya baamwe nga akubakoba nti omwaana wumuuntu babba ba kumweeta baatyai? ¹⁴ Nibakoba nti abaandi bamweeta Yokaana o mubatizi, abaandi Eriya, abandi nibakoba Yeremiya, abaandi oba omwe okubabatiza. ¹⁵ Naba koba nti naye nywe munyeta mutyai? ¹⁶ OSayimooni Peteero namukoba nti niwe kurisito omwaana wa Nyamwaanga omwe. ¹⁷ OYeesu na iramu namukoba nti olina omukiisa Sayimooni , ba Yona kubaanga omubiri on musaayi tibya kuswekuure ekyo wabula oite wange ali mwiiguru. ¹⁸ Njeena nkukoba nti we Peteero njeena ndi yo mboka ekanisa ekanisa yaange okulwaazzi luni: Era nemi ryaango zamagoombe tiziri zisobola. ¹⁹ Ndikuwa ebisumu,luzo bya bwa bukama bwa mwiiguru: kyoona kyoona kyolibuwa okuunsi kiriweebwa nomwiiguru: kyoona kyoona kyoli sanndabuura okunsi kira sandabulwa. ²⁰ Awoo nakuutira abeegesya baleme okoberaku omuuntu yeena nti niye kurisito. ²¹ OYeesu nasookera okukombera abeegesya baamwe nti kimugwaiire okwaaba eYerusaalemi, abonyebonyezebwe muno abakaire nabakabona boona abakulu nabawaandiiki, nokutiinibwa nokulunaku olwakasatu okuyiimbookebwa. ²² OPeetero namutwaala, nataandika okumunenya nga akumukoba nti mukama waange tikirikubbaaku nakadyooli. ²³ Nakyuuka nakoba oPeetero nti iraa emabega waange, ositaani ali nkoonge jeendi kubbaanga tolowooza bya Nyamwanga, wabula ebyabaantu. ²⁴ Awoo oYeesu nakoba abeegesya baamwe nti omuuntu nayeendya okwiiza emabega waange yefirize yeenkai yeetike omusaalaba gwaamwe anseengeerye. ²⁵ Buli alitaka okulokola Obulamu bwaamwe; alibubulya era ali bulwaaku obulamu bwaamwe okulwaange ali bubona. ²⁶ Kubbanga omuuntu kirimugasa kityai okulya ensi yoona, nayeenga afiriibwe obwoomi bwaamwe? oa omuuntu aliwayo ki okununula owoomi bwaamwe? ²⁷ kubbanga omwaana wamuntu akwizira kitinisya kyaite waamwe nabamalaika baamwe, olwo leke asasule omuuntu nkaniyakoore. ²⁸ Ddala dala nkukoba nti waliwo okubami abeemereire anii, abatali roota kuffa nakadyooli okwiikya nibali bona omwaana wamuuntu nga akwiiza omubwabukama bwaamwe.

Chapter 17

¹ Ebiro mukaaga nibyayakairewo, OYeesu natwaala oPeetero no Yakobo no Yokaana omugaanda waamwe nabaniinisya okulusozi ekyairai boonkai, ² Naiyinduurwa omaiso gaabwe, amaiso gamwe nigapirikita nke isana nebizwaaro byaamwe nibyeera nko muzira. ³ Bona, oMusa ne ERIya, nibamubonekera nga bakubaza naye. ⁴ oPeetero nairamu nakoba oYeesu nti mukama waange omusai iswe okubba anii: byokweendya, nkwakwomboka ensisira isatu emwe yaamu negiindi ya musa negindi yeriya ⁵ Bona niyabbaire nga akyabaza, ekiiguru ekikupirikita nikibakiingirya boona, eiraka nirizwa omukiiguru, nga rikoba nti oni niye mwaana waange gwenyendya, gwensemeerwa omuno mumuliirye ⁶ Abeegesya nibawuliire, nibagwa nga beejumukire nibatiina muno. ⁷ OYeesu naiza nabakwaataku nga akubakoba nti mwiimuke timutiina. ⁸ Nibaimukya amaiso gaabwe, nibatabona muuntu yeena, okuyaku oYeesu yeenkai. ⁹ Nibaabbaire nga bakusurumuka okulusozi, oYeesu nabalagira nga akukobanti timukobera muuntu byemubonekeirwe, okwiikya omwaana wamuuntu nali mala okuyiimboolwa omubaffu. ¹⁰ Abeegesya baamwe nibabuulya nti, kale kiiki ekikubesya abawaandiki nti Eriya kimusaanire okusooka okwiiza? ¹¹ Nairamu nakoba nti Eriya akwiiza ddala, okusaayirya byoona. ¹² Naye nkubakoba nti Eriya amaare okwiiza, boona tibamutegeire, naye bamukoore nkaabo nibenderye, nimwo nomwaana wamuuntu nakwaaba okubonerezebwa. ¹³ Awoo abeegesya nibeeteja nti yabazireku nabo oku Yokaaana omubatizzi. ¹⁴ awoo nibaikire omukibiina kyabaantu, omuuntu naiza namufukaamirira nga akoba nti; ¹⁵ Mukama waange muunganyire, omwaana waange kubbanga agwa ensiimbu, zimubwenyebwenyere: kubbanga emiruundi ziingi nga akugwa omuuro era emiruundi ziingi nomumaizi. ¹⁶ Nimuleetera abeegesya abamwe nibatasobola kumuwonya. ¹⁷ Yeesu nairamu nga akubakoba nti nywe Abamireembe ezitaikiriza ezikyaamu ndikanja ayi okubbaanga nanywe? ndiikai okubagumikiriza mumundeetere anii. ¹⁸ Oyessu namubweigoora, omuzimu nigumuzwaaku omwoojo nawonerawo okuzwa omukiseera ekyo ¹⁹ Awoo abeegesya nibaiza eddi oYeesu omukyaama nibakoba nti kiki ekitulemeserye okweemera okumupeka? ²⁰ Nabakoba nti olwakwiikiriza kwaanywe okubba okudooli, kubbanga ddala nkubakoba nti siinga mubbaire nokwiikiriza okweenkana empeke yakalidinaali, nimwo mulikoba olusozi luni nti zwaawo anii yaba eddii, kalekulyaaba so tiwaandibbaire kigaambo kyemutakusobola. ²¹ nay kyonkai ekyaangeri eni tikiyiinza kuzwaawo nga ndoowo kusaba nakusiiba. ²² Nibbaire nga bakyaikkaire eGaliraaya, oYeesu nabakoba nti omwaana wamuuntu akwkuweebwayo omikono gyabaantu. ²³ Balimwiita nokulunaku okulunaku lwakasatu alimborwa, nibanakuwala muno. ²⁴ Nibaikire eKaperenawumu, abbantu abasoroza eDiderakima nibaiza edii oPeetero nibamukoba nti; omukama waanywe tatoola didekima. ²⁵ Nabakoba nti atoola, nibeejuumba enyubba, oYeesu namweesoka namukoba nti okulowooza otyai simooni Peetero? Abakama baansi bawooza obaa basoroza baantu ki? Baana baabwe oba banamaanga? ²⁶ Nabakoba nti banamaanga., OYeesu namukoba nti; baana baideembe. ²⁷ Naye tulemeenge kubeesitaza yaba okunyaanja onage eirobo, oibbulule ekinage ekyasooka kwibulukuka; niwayasamula omunwa gwaakyo, okwakubonamu Esutateeri otwaaleyo, ogiweerye okulwaange nokulwaamu.

Chapter 18

¹ Omubwiire oyo, nibaiza eddi oYeesu nibamukoba nti; naani omukulu omubwamukama bwamwiiguru? ² Nayeta omwaaana omuto namwemeerya akati wabwe, ³ Nakoba nti amazima nkubakoba nti nitaliinduka okwisana nkabaana abato timuliingira nakadoli omubwakabaka bwamwiiguru. ⁴ Ale buli eyewombeeka nko omwaaana omuto niye mukulu omubwakabaka bwamwiiguru. ⁵ nabuli ali kuseemerya nko mwaana omuto nkooni omwiibara ryaange nga aseemberyenje. ⁶ Naye alisitaaza okubo omwaaana omuto, bani abaanyikiriza waakiri asibibwe owiikoti olubeengo olukooto balyooke bamunage omubwengula bwannyaanja. ⁷ Ziraajja eyaanga olwa bigaambo ebikuleeta okwesitaaza kubaanga ebikwesitaaza tibyaali lema kwiiza; Naye ziryaaja eiyaanga olwabigaambo ebikuleeta okwesitaala. ⁸ Oba omukono gwamu oba okugulu kwaamu nngakukuleetera okwesitaala kuyeku okunage alai: nikyo kisai okwiingira omubwoomi nga okubulwaaku omukono oba okugulu , okusiinga okunagibwa omuuro gwamireembe nemireembe ⁹ Oba eriiso ryamu rikwesitaaza riyemu orinage alai, nikyo kisai okwiingira oubwoomi nga oli wa riiso limwe okusiinga okunagibwa omugeyeena nga olina amaiso abiri. ¹⁰ Mubone nga timukonyooma omwe okwaabo abato bani; baingi bakoba nti omwiiguru baamalaika baloleera enaku zoona amaiso gaito waange ali omwiiguru. ¹¹ Kubbanga omwaaana wa muuntu yaizire okulokola ekyaabuure. ¹² Mulwooza mutyai? omuuntu nabba nentaama zaamwe ekikumi emwe nebulaku taleka zidi ekyeenda omumweenda nayaba okuunsozi naswaaga oyo abuureku? ¹³ Era nabba omubweine, mazima nkubakoba nti amusanyukira oyoo okusiinga ekyeenda nomweenda ezitabuure. ¹⁴ Nimwo kityo tikyeendebwa omaiso gaitaanywe ali omwiiguru, omwe okwaabo abato bani okuzikiira. ¹⁵ Omugaandawo nakola okubbi yaba omubuulire we naye nyweenkai: nakuwuliirya nga ofunire omugaandawo. ¹⁶ Naye natawuliirya twaala owoondi oba ababiri oba basatu era omukanwa kabbajurwa ababiri oba basatu bulikigaambo kikakate. ¹⁷ Era niyagaana okuura nekanisa abbenge jooli nga munamaanga era omuwooza. ¹⁸ Mazima nkubakoba nti, byoona bimuli saba okunsi biribbweebwa omwiiguru era byoona byemuli saandabula okuunsi biri saandabulwa omwiigu. ¹⁹ Era nkubakoba nti abaira baanywe ababiri nibetabaanga okuunsi buli kigaambo kyoona kye bali saba, kiribakoorwa oite waange ali omwiiguru. ²⁰ kubbanga Nibabba ababiri oba abasatu nga bakuumbaine omiibara ryaange, njeena ndi awoo akati waabwe. ²¹ Awoo opeteero naiza namukoba nti mukama waange omugaanda waange nansiisanga musonyiweenge emiruundi emekai okwiikya emiruundi omusaanju ? ²² OYeesu namukoba nti tinkukobere nti okwiikya emiruundi musaanju; naye nti okwiikya emiruundi nsaanju. ²³ Obwakabaka bwamwiiguru bwisanana nomuunyu eyali okabaka eyatakire okubala omuweendo nabairu baamwe. ²⁴ Ninsooka okubala nibamuleetera oni gwakubaanja etalanta akakumu . ²⁵ Naye kubbanga tiyaalina kyakusasula, mukama waamwe, nalagira oKumuunda, nomukazi waamwe, nabaana baamwe, nebiintu byoona byali nabyo, eibaanza liwe. ²⁶ Awoo omwiiru nagwa ansi namusiinza, nga akoba nti mukama waange, ntoonga mpola, njeena ndikusasula byoona. ²⁷ Omukama omwiiru oyo namusaasira, namusaandabula, namusonyiwa eibaanza. ²⁸ Naye omwiiru oyo nawuluka nasaanga omwiiru omwiraamwe, gweyaali akutoonga edinaali ekikumi: namukwaata namugwaomwikoti, nga akukoba nti sasula eibaanza ryaange. ²⁹ Awoo omwiiru omwiraamwe nagwa ansi namwegayiira nakoba nti; ntooga mpola ndi kusasula. ³⁰ Nataikiriza: naye nayaba namuteeka omwikkomera amale okusasula eibaanza. ³¹ Awoo obairu abairaamwe nibaabweine nibibbaire, nibanakuwala muno nibaaba nibakobera omukama waabwe ebibbaireyo. ³² Awoo omukama wamwe namweeta namukoba nti; we omwiiru omubbi, nakusonyiwire eibaanza ridi ryoona: noneegayiira. ³³ Weena tikikusaanire kusaasira mwiiru onii, nkanje ninaakusaasire we? ³⁴ OMukama waamwe nasuunguwala, namuweeryaayo omubaambala nsaale amale okusasula eibaanza ryoona. ³⁵ Atyo oite waange ali omwiiguru nimwo alibakoba nimwiita, okyaawa omumitima gwaanywe buli muuntu mugaande., obufumbo no kwawukana.

Chapter 19

¹ Awoo olwaikire oYeesu niyamaare ebigaambo ebyo, nazwa Egaliraaya naiza okunsaro Eyabuyudaaya okumutala gwa Joludani. ² Ebibiinaebikooto nibimuseengerya, nabawonyeza eyoo. ³ abafalisaayo nibaiza jaali, nibamukema ngabakoba nti omuuntu osobola okugoba omukazi waamwe nga akumulagira buli kigaambo ⁴ Nairamu na, koba nti timusomaanga nti oyo eyabakoore omukusooka nga yabakoore omusaiza nomukali, ⁵ Nakoba nti omuuntu akwiiza kulekaanga ote waamwe nomaamwe, niyegaita nokali waamwe; boona bakali babiri babbeenge omuuntu omwe. ⁶ Obutabba babiri mwoona naye omububiri gumwe: kale oNyamwanga biyagaitire amwe omuuntu takigabanyaanga mu. ⁷ Nibamukoba nti kale. musa ekyamukobere okumuwa ebbalwa yakweyawula alyooke omupeke. ⁸ nabakoba nti olwabukakanyali bwamitima gyaanywe omUsa nikyoo yazwiire ayikiriza mupeke abakazi baanywe naye omukusooka tinimwo kyaali: ⁹ Nolweekyo nkuba koba nti buli eyapeekaanga omukali waaamwe, nga akumujunaannyw bweenzu, nawasa owoondi nga mweenzi yeena gwe yawasa akwiiza kubba yagobebwe lwabweenzi. ¹⁰ Abeegesya nibamukoba nti ebigaambo byamusaiza nomukali waamwe nibibba bityo, tikibba kisai kuwasa. ¹¹ Nibakoba nti abaantu boona tibayiinsa kwiikiriza kigaambo ekyo okwiyaku bebakiwaire. ¹² Kubbanga walowo abalaawe bibabyaire otyo okuzwa omuunda zabanyina waabwe walowo abalaayibwe bonkai olwa bukama bwamwiiguru, okusobola okwiikiriza ayilkirize. ¹³ Olwikire nibamuleetera abaana abato, abateeku omukono asiinze abeegesye nibabakyuunga. ¹⁴ Naye oYeesu nabakoba mubaleke abana abato mutabataangira kwiiza gyeendi nolweekyo abakwiisana nkabo obukama bwamwiigu ru bwaabwe. ¹⁵ Nabataku emikono gyaamwe. ¹⁶ Bona omuuntu nayaba jaali namukoba nti Nyamwanga waange, ndikola kisai ki mbe nobwoomi obutakuwaawo. ¹⁷ Namukoba lwaki bkunyeta musai? omusai ataa omwe naye niwaabba okweendya okwiingira omu bwoomi, wuliiryaanga ebiragi. ¹⁸ Namukoba nti galai oYeesu namukoba nti toitaanga toyeenda, toibbanga, towaangirya nga. ¹⁹ Oiteewo nomaawo obateekangamu ekitiinisya nolweekyo yeendyaanga omwiirawo nka niweeyendya. ²⁰ Omwoojo namukoba nti ebyo byoona nabikwaite: ekimpeebuukireku kiki? ²¹ OYeesu namukoba nti niwaabba okweendya okubba eyaikiriire yaba otuunde ebyaamu ogabire abaavu, olibba muguuda omwiiguru olyooke onyize onseengerye. ²² Omwoojo niyaawuliire ekigaambo ekyo nayaba nga muna kuwali nolweekyop yaali ayina ebyabuguuda biingi. ²³ Oyeesu nakoba abeegesya nti kizibu omuuntu omuguuda okwiingira omubwabukama bwamwiiguru. ²⁴ Eraa moona nkubakoba nti kyaangu muno ogamiya okwaakala omukatuli kaampiso okusiinga omuguuda okwaaba omubukama bwa Nyamwanga. ²⁵ Abeegesya baamwe nibaawuliire nibeewunya muno nga bakoba nti naani ayiinsa okulokolebwa. ²⁶ OYeesu nabalootera nabakoba nti omubaantu ekyo tikisoboka naye oNyamwanga akusobola byoona. ²⁷ Awoo oPeetero nairamu namukoba nti bona, eiswe twaalekere byonna nitukuseengeerya; nolweekyo tuli baana ki? ²⁸ OYeesu nabakoba nti amazima kubakoba nywe abakuseengerya, omumabyaalibwa gakabiri omwaana wa muuntu naliika okuntebe eya ite waamwe naanywe muliikala okuuntebe eikumi neibiri nga mukusaarwa omusaango ebika eikumi nebibiri ebya Isiraeri. ²⁹ Buli omwe eyalekere enyubba, oba abakika, oba bagaanda baamwe abaandi, oba itaamwe oba maamwe, oba boona abakyaalo olwa ibara lyaange alifuna emiruundi ikumi nolweekyo aliirya obwoomi obutawaawo. ³⁰ Naye baingi abakusooka balibba bakuseembayo nabakuseembayo balibba abakusooka.

Chapter 20

¹ Obukama bwamwiiguru bukwiisana nkumuuntu ayina enyubba yaamwe, eyakeire emaambya napaangisya abalumi balume olusuku lwaamwe olwa mizabbibbu. ² Niyamaare okwikiriziganya nabalumi edinaali talunaku nabasiindika omulusuku lwa mizabbibbu. ³ Nawuluka nga ziri saawa isatu, nabona abaandi nga bemereire omuka tale nga tibaina kye bakola. ⁴ Bona nabakoba nti nyweena mwaabe omulusuku lwa mizabbibu, naanje nabawerya ekyaiika, boona nibaaba. ⁵ Era nawuluka esaawa mukaaga era nomweenda nakola atyo, ⁶ nawuluka esaawa nga ziri ikumi neemwe, nasaanga abaandi nga beemereire, nabakoba nti kiki ekibeemereire anii nga timuluku kyemukola obwiire okusweeka? ⁷ Nibamukoba nti ndoowo muuntu eyatupaangisiry e nabakuba nyweena mwaabe omulusuku lwa mizabbibbu. ⁸ Obwiire nibwaasweekere, omwaami walusuku lwa mizabbibbu, nabakoba omukozi waamwe nti beete abalumi, obawe empeera, osooke okubaseemberyaayo okwiika okkubaasokere. ⁹ N0musaawa eikumi neemwe niba izire buli muuntu naweebwa edinaali emwe. ¹⁰ Naabo abasookere nibaizire nibalooza nti baaweebwa okusiingawo, na ye boona nibaweebwa edinaali emwe. ¹¹ Nibabawaire nibeemulu gunyizza omwaami, ¹² Nga bakoba nti banaani abaizire oluvanyuma abakoleire esaawa emwe, nobeekanisya naiswe abagadire emaambya neisana nga ritwookya. ¹³ Yeena nairamu nabakoba omwe okwaabo nti mwiraange titukoore kubbi: tiwaikirizigainye dinaali emwe? ¹⁴ Twaala eyaamu nkweendya okuwa esembereyo nkaawe. ¹⁵ Tinyiiza kukola byaange nkaniinkwendya? oba eriiso ryaamu ribbi, olwakubba eryaange risai. ¹⁶ Nimwo batyo abamabega balibba bakusooka nabakusooka balibba bamabega. ¹⁷ OYeesu niyaali nga akuniina okwaaba eye Rusaalemi natwaala abeegesya eikumi nababiri kyama nabakobera omwaanda nti; ¹⁸ Bona tukuniina tukwaaba eYerusaalemi' nomwaana wamuuntu aliweebwayo omubakabona abakulu, nabawaandiiki, boona bali musaara omusaango okumwiita, ¹⁹ Era balimuwaayo edi abamaanga okuduura, nokumukubba nokumukomeera: nalyooka naimbooka okulunaku olwakasatu. ²⁰ Awoo omaamwe wabaana ba Zebidaayo naiza waali abaana baamwe, namuramya ekigaambo. ²¹ Namukoba nti okeeendya kii? namukoba nti lagira abaana boona baikale amwe okumukono gwaamu ogulyo, nokumukono gwaabe ogumokole omubukama bwaamu. ²² Yeena oYeesu namukoba nti timukumanya byemu kusaba mukusobola okunywa okukikopo nje kyeenkunyweeraku? nibamukoba nti tukusobola ²³ Nakoba nti okukikopo kyaange mwaanyweeraku ddala: naye okwiikala okumukono gwaange ogulyo nomukono gwamokole tiniinje nkubba wabula otaata bye yakubikiire. ²⁴ Nabaddi eikumi nibawuliire nibagoongera abagaande ababiri. ²⁵ OYeesu nabeeta gyaali nga okoba nti; mumaite nga abamaanga babafuga nabakulu baabwe babatwaala namaani. ²⁶ Tikyaabbeenge kityo omunywe: naye buli ayeendya okubba omukulu omunywe yabbaanga muweereza waanywe. ²⁷ Nabuli akweendya okubba owakusooka omunywe yabbanga mwiiru omunywe: ²⁸ Nkomwaana wamuuntu nataakwiiza kuwerezebwa wabula okuweereza nokuwaayo obwoomi bwamwe omukinunulo ekyabaigi. ²⁹ Nibaali bakuuluka oMuyeriko, ekibiina ekikoto nikiseengerya. ³⁰ Boona abaigali bamaiso babiri abaali baikaire okumabbali ga luguudo nibawuliire nti oYeesu akwaakala wo, nibabazira aiguru: nga bakoba nti mukama waiswe tuganyire omwaana wa Dawudi ³¹ Ekibiina nikibaboigoora, okusirika: naye bo nibeeyongera okubazira aiguru nga bakoba nti mukama waiswe tuganyire omwaana wa Dawudi. ³² OYeesu nayemeera nabeeta nabakoba nti mukweendya mbakooore ki? ³³ Nibamukoba nti mukama waiswe amaiso gaiswe gaiguke. ³⁴ OYeesu nakwatibwa ekisa nakwaata okumaiso gaabwe: awoo nibabonnyya nibamuseengeerya.

Chapter 21

¹ Nibaigere ampi ne Yerusalemi nibaika eBesaniya, okulusozi lwa Zeyituuni awoo oYeesu natuma abeegesya babiri. ² Nabakoba nti mwaabe omuumbuga emabbali omumaiso gaamu mwabona ondogoyi nga abwebwebwe nakaana kaayo, mmusaandabule, mumundeetere. ³ Naye omwe niyabakoba ekigaambo mwakoba nti oNyamwanga waiswe niye akuzeendya: naye yaziweereza amaangu ago. ⁴ Kini kyaikirewo, ekigaambo kikiire abanabbi kyebakobere, ngaakukoba nti: ⁵ Munkobere omwaana omwaala oyo owa saayuni nti, omukama akwiiza jooli omucculeeri. nga aikaire okundogoyi. ⁶ Abeegesya nibaaba nibakola nko niyabalagiire. ⁷ Nibaleeta ondogoyi nakaana kaamwe nibateekaku engoye zaabwe naikaara ku. ⁸ Abaantu baingi abamukibiina nibaalawo engoye zaabwe omwaanda, abaandi nibatema amataagi okumusaale nibaala omwaanda. ⁹ Ebibiina ebyaamwekuleembeire neebyo ebyaazwiireku enyuuma, nibibazira iguru nibikoba nti Osaaniire edii omwaana wa dawudi ali weebwa omukisa aizira omwiibara lya Nyamwanga, osaniire aiguru omwiiguru. ¹⁰ Awoo niyayingiire omuyeerusaalemi kibuga kyoona nikikaankana nga kikoba nti naani onii? ¹¹ Ebibiina nibikoba nti onii nabbi, oYeesu akuzwa oMunazaalensi eky Galiraaya. ¹² OYeesu naingira omuyeeekalu ya Nyamwanga nabapeka enzai boona abaali bakutuundira omuyeeekalu najuumuka embaabo ezabaddi abawanyisaanga efeeza nentebe abaaandi nga bakutuunda enkaiba' ¹³ Nabakoba nti kyawaandikibwe nti enyubba yaange yayetebwaanga nyubba ya kuramiryamu: naye nywe mufire mpuku yabanyaggi. ¹⁴ Awoo abaigali bamaizo nabalema nibaiza gyaali omuyeeekalu: nabawonya. ¹⁵ Naye abakabona abakulu nabawaandiiki nibaabweine ebyamagero biyakoore, nabaana babaziire iguru omuyeeekalu nibabakoba nti; osaniire edi pmaana wa Dawudi. ¹⁶ Nibamukoba nti wuura bani bibakoba: Oyesu nabakoba nti nkuura temusomaanga ku ommunnwa gwa baana abato nabawere aikiirye eteendo. ¹⁷ Nabaleka nawuluka omukibuga, nayaba eBesaniya nasula eyoo. ¹⁸ Awoo emaambya niyaali akwiira yo okukibuga enzala nemuluma. ¹⁹ Nabona omutiini gumwe okumabbali gaanzira nagwiikaku nasaanga nga ndooku kiintu nga bikoola byerere nagukoba nti tobonaanga bibala emireembe nemireembe, omubwaangu obwo omutiini nigwootoka. ²⁰ Abeegesya nibaabweine nibeewuunya, nibakoba nti omutiini gwootokere gutya amangu? ²¹ OYeesu nairamu nabakoba nti nimwaabbanga nokwiikiriza, nga timukubusabuusa timwakoleenge kidi kyonkai ekyamutiini naye nimulikoba olusozi luni nti imulibwa onagibwe omunyaanja kirikolebwa. ²² Nabyoonabyoona bimwayeendyaanga nga mukusaba nga mukwiikiriza mwabiweebwaanga. ²³ Nayingira omuyeeekalu, abakabona abakulu nabakaire babaantu nibaiza gyaali nga akweegesya, nabakoba nti buyiinza ki obukolesya bini? naani eyabawaire obuyiinza buni. ²⁴ OYeesu nairamu nabakoba nti nleena kambabuulye ekigaambo kimwe, nimwakiyindula, era njeena nabakobera obuyiinza obukuunkolesya bini. ²⁵ Okubatiza kwa Yokaana kuzwa ayii, mwiiguru oba mubaantu? nibeebuulyangana boonkai naboontai nibakoba nti nitwaakoba nti mwiiguru: yatukoba nti kale kiki ekyabagaina okumwiikiriza? ²⁶ Naye nitwaakoba nti mubaantu, tukutiina baantu; kubanga boona balowooza Yokaana nga nabbi. ²⁷ Nibairamu oYeesu nabakoba nti titumaite naye nabakoba nti njeena tinabakobere buyiinza nibwo bukuunkolesya bini. ²⁸ Nate mukulowooza mutyai waliwo omuuntu eyaina abaana baamwe babiri; naiza edii oluberyeberyey, nakoba omwaana nti yaba okole emirimu omulusuku olwa mizabibbu. ²⁹ Nairamu nakoba nti ngaine: naye oluvanyuma niyeenenya nayaba. ³⁰ Naiza edii owakabiri namukoba nikyo kimwe. yeena nairamu nti ; kanyabe ssebo: natayaba. ³¹ Okwaabo ababiri naani yakoore oitowaamwe kyakweendya? nibakoba nti owaluberyeberyey. Oyesu nakoba nti mazima nkubakoba nti abawooza nabeenzi babasookere nywe okwiingira omubwakabaka bwa Nyamwanga. ³² Kubaanga oYokaana yaizire gyemuli omwaanda gwa bwikiiri; naanywe timwamwikiriize naye bakulowooza nabeenzi baamwiikiriza naanywe, nimwaabweine muto noluvanyuma nimuteenenya kumwiikiriza. ³³ Muwuure olugero oluundi, waliwo omuuntu eyaalina enyubba yaamwe, nasiimba olusuku lwa mizabbibbu nalukomeeraku olukorogo nalusakumu ekinyunki kyansaande nayomboka mu olukorogo nalukwaatisya alumi nataambula olugeendo. ³⁴ Awoo omwaka nigwaali guli ampii okwiika, ebirime okweenga, natima abairu baamwe edii abamukwaata nsikababawe ebirime byaamwe. ³⁵ Naye abamukwaa ta nsika nibakwaata abairu baamwe: Omwe nibamukubba, owoondi nibamukasukira amabbale. ³⁶ Nasiindika era abairu abaandi baingi okusiinga abasookereyo nibabaakalya nkabaandi nibabakoore. ³⁷ Oluvanyuma nibasiindikire omwaana waamwe nga akukoba nti baawura omwaana waange. ³⁸ Naye abamukwaata nsika nibaabwein e omwaana nibabaza boonkai nabonkai nti; onii naye musika, mwiize tumusaanyewo tutwaale obusika bwaamwe. ³⁹ Nibamukwaata, nibamugaadiikerya omulusuku lwa mizabbibbu nibamwiita. ⁴⁰ Kale omukama walusuku lwa mizabbibbu naliiza, ali bakola atyai abalumi? ⁴¹ Nibamukoba nti abo abanyanzigu, bali saanawo kubbi, naye olisuku lwa mizabbibbu alisiimbira abalumin abbandi abamuweerezaanga ebibala bya mumwaaka gwa byo. ⁴² OYeesu nabakoba nti timusomaanga ku kubyawaandikibwa, nti eibbale oboomboki dyebagaana, niryo ryaafukire omutwe

gwa nsoonda: kini kyaazwiire eddi omukama era kyakitalo omumaiso gaiswe? ⁴³ Nikyo nzwa mbakoba nti obwakabaka bwa Nyamwanga buli bayiibwaaku nywe, buli weebwa eiyaanga eribala ebibala byaago. ⁴⁴ Era agwa okwibbale rini ali menyeka menyeka: nooyo gulirigwaaku liri mubeteenta. ⁴⁵ Awoo abakabona abakulu nabaFalisaayo, nibawuliire engerero ezo nibeeteja nti abalize kunibo. ⁴⁶ Niwatabba muuntu akusobola okwiiramu ekigaambo era okuzwa okukiro ekyo ndoowo muuntu eyajeemere okubuulya ekigaambo.

Chapter 22

¹ Oyesu nairamu nabaza naboo nateenga omulufumo nga akubakoba nti; ² omukama wamwiguru bamwiisanisire omuuntu eyaali omukama yasumbire omwaana wamwe embaga yabugole. ³ Natuma abairu baamwe, okweeta abayeteibwe okumbaga yabagole niteendya kwiiza. ⁴ Natuma neera abairu abaandi, mukobere abaantu abayeteibwe nti nsubiire abantu abayeteibwe nti bona nsumire embaga embaga yaange ezinoli ziitibwe nabyoona byentekereteekere mwiize omumbaga eyabugole. ⁵ Naye bo nibatateekayo birowoozo nibabba owoondi kukyaalo kyaamwe, nowoondi nobusuubuzi bwaamwe. ⁶ Abasigaire wo nibakwaata abairu bamwe nibabakoora ekitigi nibabaita. ⁷ omukama nakwatibwa ekiniga nagaba amajje gaamwe nasaanyawo abanaidunku abo nayokya ekibuga kyaabwe. ⁸ Awoo nakoba abairu baamwe nti obugenyi bweteekereteekere naye abo abayeteibwe tibasaanire. ⁹ Ale mwaabe omumasaanga nzira omwaanda bemwabona yo mubeete. ¹⁰ Abairu abaandi nibaaba omwanda, nibakumbaanya boona boona bibabweine abbbi nabasai obugole nibwiizula obugenyi. ¹¹ Naye omukama niyayingiire okubona abagenyi, nabona mu omuuntu atazwaaire bizwaaro bya bagole, ¹² Niyamaare namukoba nti mwira waange oingiite otyai anii nga toina bizwaaro byabugole? Nasirikiira mu. ¹³ Awoo omukama nabakoba abeegesya mubbwe emikono namagulu mumunage omum, ulikiirya gwanzai, nywe mulibba okuunga nokunene obujune. ¹⁴ Kaabbe nga baingi abayeteibwe naye bakomamu badooli. ¹⁵ Awoo abafalisayo nibaaba nibakaanya amwe bakwiiza kumumanyisyaanga omubigaambo. ¹⁶ Nibamusiindikira abeegesya baamwe nabakerodiyaani, nibakoba nti omweegesya, tumaite nga oliwamazima era nga oyesesya omuma zima enzira ya Nyamwanga, era ebigaambo bya muuntu yeena tobitaaku mwooyo: kubanga tosorooro mubaantu. ¹⁷ Kale tukobere olowooza otyai? kisai okuwa okayisaali omusolo oba tinimwo? ¹⁸ Ate oyesu namanya obubbi bwaabwe nabakoba nti munkemera ki, nywe abakiweweita? ¹⁹ Mundaange ezzabbu eya musolo, nabmuleetera edinaali. ²⁰ Nabakoba nti ekisani kini nobuwandiikeku byanaani? ²¹ Nibamukoba nti bya Kaisaali, Awoo nabakoba ale musasule, ebya kaisaali byakaisaali, nebyanyamwaanga bya Nyamwanga ²² Nibawuliire nibeemulugunya, nibamuleka nayaba. ²³ Okulunako olwo nibaiza jali aBasadukaayo nabakoba nti ndoowo kuzuukira nibamubuulya, ²⁴ Ngabakoba nti omweegesya Omusa yabakobere nti Omuntu nafanga nga talina baana omugaande ayirengeewo waase omukazi waamwe, abyaare omugaande abaana. ²⁵ Abalugaanda musaanju abaali ewaiswe eyekereire nawasa nafa naye nka natalina baana nalekera omugaanda waamwe omukazi ewamwe; ²⁶ Ate nowakabiri, nowakasatu, okwiikya boona omusaanju. ²⁷ oluvanyuma boona boona nibawaayo omukazi nafa. ²⁸ Kale omukuzuukira alibba mukanaani okwaabo omisanju? ²⁹ Naye oYeesu nairamu nabakoba nti mukyaama olwa butamanya byawaandikibwe, niwabbairu amaani ga Nyamwanga. ³⁰ Kubba omuzuukira tibawasa, era tibasumbirwa, naye bali nka bamalaika omwiiguru. ³¹ Naye okuzuukira kwabafu, timwasookere Nyamwanga kiyabakobere nti, ³² Niinje oNyamwanga ya Ibulayimu, era oNyamwanga wa Isaaka, era oNyamwanga yakobo? tiniye oNyamwanga wabafu, naye owaboomi. ³³ Ebibiina nibyawuliire nibyewuunya okweegesya okwo. ³⁴ Naye abafalisaayo, nibawuliire nti asirikirye abasadukaayo, nibakuumbaana amwe. ³⁵ Omwe okwaabo, owamateeka namubuulya nga akumekema nti; ³⁶ Omweegesya, ekiragiro ekikulu omumateeka kiri ayi? ³⁷ namukoba nti yeendya oNyamwanga nomwooyo gwaamu gwoona, nobwoomi bwaamu bwoona namagezi gaamu goona. ³⁸ Kini nikyo ekiragiro ekikulu ekykeera. ³⁹ Nekyakabiri ekwiisanana nikyo kini nti yeendyaanga omuliraanwa waamu nka niwewendya weenkai. ⁴⁰ Omubiragiro bikali bibiri amateeka goona nimwo gasiinzira, era nabanabbi. ⁴¹ Abafalisaayo nibakumbaine, oYeesu nababuulya, ⁴² Nakoba nti okurisito mukumulowoozaku mutyai? ye mwaana wanaani? nibamukoba nti wa Dawudi. ⁴³ OYeesu nabakoba nti kale, dawudi nakoba omwooyo kiki ekikumwetesya omukama waamwe, nga akoba nti; ⁴⁴ OMukama yabakobere mukama waange nti ikaara okumukono gwaange ogulyo, okwiikya lwenditeeka, abalabe baamu ansi wamagulu gaamu? ⁴⁵ Kale obaanga oDawudi yamweetaanga mukama waamwe, alitiina omwaana waamwe? ⁴⁶ Niwatabba muuntu ayiinsa kumwiiramu kigaambo, era okuzwa okulunaku olwo ndoowo muuntu eyesanika okumubuulya ekigaambo.

Chapter 23

¹ Awoo oYeesu nabaza nababibiina nabeegesya baamwe. ² Nabakoba nti abawandiiki nabafalisaayo baikalire okumeeza ya Musa: ³ Naye ebigaambo byoona bibabakoba, mubkole mubikwate. naye mutakola nka ninkukola kubaanga babaza naye tibakola. ⁴ Era basiba emigugu ezikuzitowa ezitetikika, bazitika abantu, okubibegabega; nayeenga bo tibeendya kugiteengeetya neengalo zaabwe. ⁵ Naye ebikolwa byaabwe byoona bibakola era abaantu babibone. kubba baizulya amagaanduula gabwe. ⁶ Era beendya ebifo ebyekeera okumbaga, nentebe ezakitinisya omunkumbaano. ⁷ Nokulamukibwa omubutale nokweyeta labbi. ⁸ Naye nywe timwetebwaanga labbi; kuba omwegesya waanywe ali omwe, nywena nywena muli bagande. ⁹ Era timwetaanga muuntu kunsu taata wa nywe: kuba oTaata wanywe ali ommwe ali omwiiguru. ¹⁰ Ate timmwetebwaanga balangiiri, kuba omulangiiri waanywe ali omwe, niya kurisito. ¹¹ Naye omunywe abakusiinga obukulu yaabba muweereza wanywe. ¹² Nabuli alye gulimizaanga akwiiza kukakanizibwaanga, nabuli alyegondyanga, yali gulumizibwanga. ¹³ Naye ziribasaanga ny abawaandiki nabafalisayo, abakiweweita kubba mwigala obwamokama obwa mwiiguru omumaiso gabaantu kuba nywe timwiingira nabo ababba bakwiingira timubaganya. ¹⁴ Ziribasaanga nywe abaandiiki naba nabafalisaayo, abakiweweita kuba mulya enyubba za banyanamwaandu era nimwefuula abasaba omuno. nolwekyo mibbaku omusaango ogukusiinga obukooto. ¹⁵ Ziri basaanga nywe abawandiki nabafalisayo , abakiweweta. kuba mwetoolola okunyanja nokululaku, okukyusa omuntu omwei; naye naboneka mufuula mwaana wa geyeena okusiinga nywe. ¹⁶ Zira basaanga nywe, abasaale abatabonnya, abakoba nti niyalairanga omuyeeaku, nga tikiintu naye buli eyalairaanga ozaabbu wa yekaalu, nga aingiire musaango. ¹⁷ Nywe abasiru era abatabonnya; kubba ekisiinga obukulu kirai, ozabbu oba eYekaalu eyerya zaabbu? ¹⁸ Oba mukoba nti omuntu niyalairiraanga ekyooto nga tikiintu; naye buli alairiraanga ekirabo ekiruku nga airye musaango. ¹⁹ Nywe abatabonnya kuba ekisiinga obukulu kirai oba ekyooto kyeerya ekirabo? ²⁰ Naye alaira ekyooto alaira ekyo nebyoona ebikulu. ²¹ Naye alaira eyekaalu alaira ekyo, nooyo ayikaara omwo. ²² Naye alaira eiguru, alaira ntebe yamukama nooyo agikaaramu. ²³ Ziri basaanga nywe abawaandiki nabafalisaayo abakiweweita! kubba muwa ekituundu ekimwe ekyaikumi eky nabugira na anita no kumino, nimuteeka yo ebigaambo ebikulu ebyabiragi, obutalyanga nsoonga , nekisa nokwikirizanga, naye bidi byabagwanire okola era nabaandi obnutabirekererayo. ²⁴ Nywe abasaale abaigali bamaaso abasengeiza ensi nimumira Nkaina. ²⁵ ziri basaaanga nywe, abawaandiki nabafalisaayo, abakiweweita! kubba onnabya eiguru okukikompe nekibya, naye omuunda mwizwiire obunyagi nobutegendereza. ²⁶ Wee omufalisaayo atabonnya, sooka onaabye omuunda omukikompe nekibya nokuruguru kwaakyo kiryoowe kibbe kisai. ²⁷ Zibasaangire nywe, abawaandiki nabafalisaayo, kubba mwiisana amalaalo agasiingibwa okweera, agaboneka aiguru nga asemeeri, naye ommunda waizwiire maguumba agabafiire, obubbi bwoona. ²⁸ Mutyo naanywe, aiguru muboneka nka baantu nga muli baikiiri, naye omuunda mwizwiire obukiweweita nobujeemu. ²⁹ Ziri basaanga nywe abawaandiki nabafalisaayo, abakiweweita! kubba mwaalyomboka embbi za balaangi, musemeerya ebiiza ebyabaikiiri, ³⁰ Nimukoba oti baanga twaliwo omubiseera bya bajajja baiswe titwaaliikirizegainye nabo omusaai gwabalaangi. ³¹ Mutyo mwekoba nnyenkai mbu muta baana baabwe abaitire abalaangi. ³² Aleee mwizulye omwiiga gwa baziza baanywe. ³³ Nnwe enjoka, abaana bambala saasa, muli iruka mutyai omusaaango gwa Ggeyeena. ³⁴ ona nikyo mbatumira abalaangi nabagezi, nabawaandiki nabamwe okubbo bali baita omubbakomeera, nabaandi bali bakubba emmigo omunkungaano zaanywe, mulibayiganyaanga omubyaalo byoona . ³⁵ Mulyooke mwizirwe omusaai gwoona omwikiiri okuunsi, okusookera okumusaai gwa aberi oyo omwikiiri okwiika okumusai gwa zakaliya omwawana wa bamalaika, gwe mweitiire akati wayekaalu nekyooto. ³⁶ Mananu kubakoba nti ebigaambo byoona birikiira ababiro bini. ³⁷ Yerusaalemi, Yerusaalemi, akweeta baingi, akasukira abantu amabbale abatumbwa ewaamwe! emuruundi imekai gyemwayenderye abaana baamu nkonko nakuumbaannia obwaana bwaamwe omuunda omubipapa byaamwe! ³⁸ Bona enyubba yaanywe abalekeirwe ekifulukwa. ³⁹ Kubba nkubakoba nywe mbu timuli mbonaku nakadooli okusooka olwaleero, okwiika nimwaliiza aweebwe omukiisa aiza omwiibara lya mukama

Chapter 24

¹ oYesu nawuluka omu yekalu ali nakutambula. abegesya bamwe nibaiza okumulaanga enyomboka yayeekaalu; ² Naye nabairamu nabbakoba nti bini byona/ amananu nkubakoba nti tiwalisigala ani ibaabale eraliba aiguru waibaale eritalinagibwa ansi, ³ niyali naikalire okulusozi lwaziituni, abegesya nibaiza geyali mukyama, nebamukoba nti tukobere nibi ribbawo nakamanyisyo kakwiiza kwaamu nikalibba. ⁴ OYeesu nairamu nabakoba nti mubone omuuntu yeena tababulyaanga. ⁵ Kubba baingi baliiza omibnara lyaange nga bakoba niinje kurisito: balubulya baingi . ⁶ Mwali wura entalo nokwatikiira kwa ntalo ; mubone timutunturaanga; kubba tityaali gaana kubbawo naye nkomeero nga ekyaali. ⁷ Kubba eYaanga ryali luumba eYaanga nomukama ali ruumba omukama; waalibbawo enzala nebiteengeto omubifo eitali bimwei. ⁸ Naye ebyo byoona nikwo kwekeera kwe kulumwa. ⁹ naamywe mwaali nobwa amaanga goona okulwaibara ryange. ¹⁰ Omubiro erbyo baingi balibiinyirwa, baliwanganayo balinobaangana. ¹¹ Nabalaa ngi baingi ababubeegi baliiza, balibuulya baingi. ¹² Era kubba obuujeemu bwali akaliirya obwiibngi, okweendya okwabakusiinga obwiingi, kulyoola. ¹³ Naye agumiikiriza okwiika okunkomeero yaali lokolebwa . ¹⁴ Engeri eni eya bukama eri koberwa amaanga goona, okubba omujuurwa wa maanga goona; awoo enkomeero neyaanga neika. ¹⁵ Kale nimwaalibona ekyamuziro okuzikiirya oDanyeeru omulaangi kiyabazireku , nga kyemereire omukifo ekyeruki, (akusoma yeetejeje) ¹⁶ Kale abali omubuyudaa ya bairukiraanga kunsozi: ¹⁷ Ali aiguru, okunyubba taniinukanga okuyamu biintu ebiri omunyubba yaamwee: ¹⁸ ALi omulusuku tairanga te; kutwaala kizwaaro kyaamwe. ¹⁹ Naye zaali ba saanga abalibba neenda nabakwoonkya omubiro ebyo! ²⁰ Naanywe musabe ekiiruko kyanywe kireke kubba omubiro ebyakiwuungo, nibwewankubbaire okusabbiti. ²¹ KUBba omubiro ebyo waali bbawo okubonabona okukooto, nga tikubbangawo okuzwa ensi nayabbairero okwiikya ereero. ²² Ebiro ebyo baanga bitasaliibweku, tiwakuwonere buli alina omubir; naye okulwa bakomye ebiri ebyo byali salwaaku. ²³ Omubiro ebyo omuuntu alibakoba nti; bona, okurisito ali mpani, oba nti ali mpani; timwikirizaanga. ²⁴ Kubba waliza abakurisito ababubeegi, nabalaangi ababuiibee, boona bali kola obumanyisyo obukulu nebyamagero; nokubuulya babuulye abakomye, nikyaalibba kikusoboka, ²⁵ Bona mbalabwiire. ²⁶ Kale nibal bakoba nti bona, ali omwiruungu; timulukaanga: bona, alibbisika omuunda timwikirizaanga. ²⁷ Kubba nko kumyaankulya nikuzwa ebuuluka nikubonekera ebuggwa isana, nimwo kityo nikwalibba okwiiza kwamwaana wamuuntu. ²⁸ Awbba omutuumbi woona, awo ensega niwo zikuumbanira. ²⁹ Naye amaangu ago oluvanyuma lwakibonobono ekyamubiro ebyo, eisana lyali yiinduka ekiirima, okweezi tikwaali raanga kibonio kyaakwo, nobunyenyezi bwaaligwa okuzwa omwiiguru namaani agamwiiguru gali teengetebwa. ³⁰ Awo nimwo kali boneka akamanyisyo kwa mwaana wamuuntu omwiiguru; nebikka byoona ebyaansi nimwo byaali kubba ebiboobo, byaali bona omwaana wamuuntu nga akwiiza okubiccu ebyaiguru namaani nekitiinisya ekinyamwingi. ³¹ Era yaali tuma abamalaika baamwe eiraka erikooto erya mulere, bona bali kuumbania abakomwe baamwei omuumpungo inai, okuzwa okuunkomeero. ³² Era mweegere okumutiini olugero lwago; ekitaagi kyaago nikigeiza, ebikoola nibiroka, mweteja nti omwaaka guli ampii. ³³ era otyo naanywe nimubona ebigaambo eby byoona mweteje nti ali ampi kulwiige. ³⁴ Mazima nkubakoba ntini emireembe zini tiziri waawo okwiikya ebyo byoona nibirikolebwa. ³⁵ eiguru ne nsi biri waawo, naye ekigaambo kyaange tikiri waawo kaakimwe. ³⁶ Naye ebyalunaku luddi nekire ekyo ndoowo akimaite yade abamalaika abamwiiguru yade omwaana okuyaku oite waange yenkai. ³⁷ Naye engeri enaku za nuuwa nizaali, era nimwo kiribba kwiza kwa mwaana wamuuntu. ³⁸ kubba nibaali omuunaku ezekereire amataba nga bakulya nga bakunywa, nga bakubaangirya, okwikyaa olinaku oNuuwa niyayingiire omuryato. ³⁹ Nibataamanyanga okwiikya amataba nigaizire nigabatwaala boona, era nimwo kiribba okwiiza kwamwaana wamuuntu. ⁴⁰ Omubiro ebyo abasaiza babiri balibba omukyaalo omwe alitwalibwa nowoondi ali lekebwa. ⁴¹ abakazi babiri baalibba bakusya okumeengo omwe alitwaalibwa owoondi alekebwe. ⁴² Ale mubonnye kubba timukumanya lunaku oNyamwanga. ⁴³ era kini mukitegeere ntini ayina enyubba yeesiga yamanyaanga okusisimuka nikwaali, omwiibbi lwaliizira mu yaali bonerye tiyaandi lekere nyubba yaamwe kusiimibwa. ⁴⁴ Atini naanywe mweteketelke kubba omukiseera ekyo mutalowozangamu mwaana wamuuntu kyaakwiziramu. ⁴⁵ Ale alai omwiiru eyisigibwa owa magezi, oNyamwanga waamwe gweyagwetere abamunyubba yaamwe okubawaanga emere yaabwe omubwiire obwo? ⁴⁶ Omwiiru odi alina omukisa , ONyamwanga waamwe gwaalisaanga ngaazire nga akukola atyo. ⁴⁷ Amazima nkubakoba nti, alimugeetwa ebiintu btaamwe byoona . ⁴⁸ Baitu omwiiru oddi omubbi nali koba nti omutima gwaamwe ntini Nyamwanga waange alwiireyo. ⁴⁹ Era alisooka okubba abairu baamwe, nokulya nokubba amwe nabatamiire. ⁵⁰ Onyamwanga wamwiiru odi aliizira okulunaku

lwataliiramu nobwiire bwatakumanya. ⁵¹ Alimutemamu ebituundu bibiri, alimuwa ekirabo kyaamwe amwe nabananfuusi: mwemwaalibba okuunga nokulumwa obujiji.

Chapter 25

¹ omubiro ebyo obwabwakabaka bwamwiguru bwalyeisanisirya abala ekumi abaatwaire etala zabwe, nibaba okwaja okwakuwasa omugole. ² Naye abira baabwe abataanu baali basurusuru, abataanu balina amagezu. ³ Lwakubba abasirusiru tibaatwaire taala zaabwe, amwe namafuta: ⁴ Abo abalina amagezi nibaba namafuta omubulukuku bwaabwe amwe netaala zaabwe. ⁵ Oyo akwaaba okuwasa omugole niyalwiireyo, boona niba woongera nibabbasya. ⁶ Naye obwiire omwiitumbi niwabbawo ekerere eyabaduula omugole okwiiza; muluke mutangaerane. ⁷ Abaala baali amwe nibamaare nibaimuka, nibasaayirya. ⁸ Abasiru nibaaba omubairabaabwe abaina amagezi nibaba koba nti mutuweeku amafuta gaanywe; olwakubba etaala zaiswe zikumweenyeera. ⁹ Naye abayina amagezi nibayiramu nibabakoba mbu nga tigamaare isweena naanywe: ati mwaabe edi abagatuunda mweguure. ¹⁰ Nibaali bakwaaba ogula, eyaali akubaandula omugole naiza, naye abaali bateekereteekere nibamaare nibeingiriira naye omumbaga yabagole; olwiige nilwigalwaawo. ¹¹ Oluvanyuma abaandi boona nibaiza, nibakoba nti Nyamwanga waange, Nyamwanga waange, twigurewo. ¹² Naye nairamu nabakoba mazima nkubakoba nti timbamaite: ¹³ Kale mubone, olwakubba timumaite olunaku niwankubaire erkiseera. ¹⁴ Olwakubba buli muuntu eyali akwaaba okulambula omuunsi edi nayeta abairu baamwe nabalekera ebiintu byaamwe. ¹⁵ Nagabira amwe esiriingi itaanu, owoondi ibiri, owoondi emwe, buli muuntu nko buyinza nibwaali, nayaba. ¹⁶ Amaangu ago odi eyafunire esiriingi eitaanu nayaba nazisuubulya nasigaalyawo eziindi itaanu. ¹⁷ Odii eyafunire esiringi eibiri nafuukyaamu ibiri eziindi. ¹⁸ Olwo odii eyawebwebwe emwe nayaba nasaka omwiitakali nagibbisa efeeza ya Nyamwanga waamwe. ¹⁹ Awoo ebiro biingi niya kaire, oNyamwanga wabairu badi naiza nabala nabo omugaite. ²⁰ Noodi eyawebwebwe etalaanta eitaanu naiza naleeta etalaanta itaanu eziindi nakoba nti, Nyamwanga waange wandekeire etalaanta itaanu, bona nabyalisaaryemu itaanu eziindi. ²¹ Onyamwanga waamwe namukoba nti weebale muno oli mwiiru munyakasai mweesigwa, omubidyooli, ndikusigira nebiingi omwiisanyu erya Nyamwanga. ²² Noodi eyawebwebwe etalaanta eibiri, naiza nakoba nti Nyamwanga waange wandekeire etalaanta ibiri bona nairemu Etalaanta eziindi itaanu. ²³ ONyamwanga waamwe namwebalya namukoba nti olimwiiru munyakasai waali mweesigwa ombidooli ndi kusigira biingi, ingira omusanyu lya Nyamwanga. ²⁴ Noodi eyawebwebwe etalaanta emwei naiza nakoba nti Nyamwanga waange, nakumaite nkabwooli omuuntu omukakanyali nga okuungula byotasigire. ²⁵ Nintiina, ninyaba ningibbisa omwiitakali etalaanta eyo, eyaamu gyoyinayo. ²⁶ Baitu oNyamwanga waamwe nairamu nakoba nti olimwiiru mubbi omugarai wamaite nkunguura gyentasigire nkunja etalaanta. ²⁷ Ale kyagwaniire niwe effeza yaange okugiweerya abasuubuli nandiizire nimpeebwa amagoba. ²⁸ Ale muyeku etalanta, etalaanta mugiweerye ayina eikumi. ²⁹ okulwakubba buli muuntu alina aliweebwa, era alibba nebiingi: yeena atalina, aliyibwaku nakidi kyaalina. ³⁰ Nomwiiru oyo atayina kyagasa mumunage omukirikiirya ekya nzai: Nywe mulibba mukuunga nukulumwa obujiji. ³¹ Naye omwaana wamuuntu alizira omukitinisya kyaamwe, nabamalaika boona nga bali naye, awo nalikala okuntebe eyakitinisya kyaamwe. ³² Namaanga goona galikiinduurwa amaiso gaamwe naye alibaawulamu nkomuliisya nayawulamu etaama nembuli. ³³ Entaama aliziteeka okumukono ogulyo embuli okumukono ogumoso. ³⁴ Awo onyamwanga alikoba abali okumukono ogulyo ntini mwiize, niwe oite waiswe gweyawire omukisa, musikire obukama bwaabo abategekeirwe okuzwa okuutoondea ensi. ³⁵ Kubbanga naali nzala nimuumpa ekyakulya, naali nyoota nimunywesya, naali mugenyi nimunsulisya. ³⁶ Naali bukunya nimunzwaalikisya, naali mulwaire nimuntaamba; naali munkomyo nimwiiza nimumbona. ³⁷ Awoo abaikiiri bali mwiiramu nga bakoba nti; Nyamwanga waiswe twakuboineku dii nga olinzala nitukuliisya? obanga olinyoota nitukuliisya? ³⁸ Era twakubwein e dii nga olimugenyi nitukusulisya obanga oli bukunya nitukuzwalikisya? ³⁹ Twakuboine dii nga olimulwaire oba nga oli kunkumyo nitwiiza nitukubona? ⁴⁰ Nomukama aliramu nakoba nti mazima nkubakoba nti nka nimwaakore omwe okwaabo abagaan da baange abasiinga obuto, mwakikoore niinje. ⁴¹ Awoo alibakoba naabo abali okumukono gwaamwe omumoso nti muzwe weendi, nywe abakolimiirwe mwaabe omuuro ogutawaawo ogwatekeirwetekeirwe ositaani nabamalaika baamwe. ⁴² Kubbanga naali nzala, timwampaire kyakulya: naali nyoonta timwanyweserye. ⁴³ Naali mugen yi timwaansulisirye, naali bwerere timwanzwalikisirye: naali mulwaire nomunkomyo timwandaambwire. ⁴⁴ Awoo naawo baliiramu nga bakoba nti Nyamwanga waiswe, twakubweine dii nga olinzala oba nga oli nyoota, oba mugenyi oba bukunya, oba mulwaire, oba munkomyo nitutakuweereza. ⁴⁵ awoo aliiramu nga okoba nti amazima nkubakoba nti nkanimu takola omwe okwaabo abasiinga obuto, timwabikoore nje. ⁴⁶ Boona balyaaba omukibonerezo ekitawaawo, naye abaikiiri balyaaba omubwoomi obutawaawo.

Chapter 26

¹ Awoo lwaikire oYeesu niyamaare ebigambo ebyo byoona, nibakoba abeegesya baamwe nti; ² Mumaite nti olwabidi lwaalibbawo kwakalaku, nowaana waamuntu aliweebwayo okoomerwa. ³ Awoo abakabona abakulu nabakaire babantu nibakuumbanira omu[kigaango kyakabona okusiinga omukulu eyeetebwanga kayaafa; ⁴ Nibateeseza amwe oYeesu okumukwaatisya abakenkuki bamwiite. ⁵ Naye nibakoba nti tuleme omkumukwatira okulunaku olukulu, abaantu balemwe okukaayana. ⁶ ale oYeesu niyaali omubbesaniya, omunyubba ya sayimooni omugengewali. ⁷ Omukazi naiza gyaali nga alina eccupa yamafuta ga musutai, agamuweendo ogwiingi omuno, nagamusuka okumutwe nga aikaire okulya. ⁸ Naye abeegesya nibabweine nibagoongera nga bakoba nti; gaferere ki gani? ⁹ Kubaanga gani baanga gatuundiibwe gaandi zwiiremu ebiintu biingi okuweerya omuseege. ¹⁰ Naye oyeesu niyetegerye nabakoba nti mukunakuwaliza ki omukazi? kubba okoore ekigaambo ekisai. ¹¹ Kubba abaseege nibo mulinabo obuliizo: naye timuli naanje buliizo. ¹² Kubba basukire amafuta gaani okumubiri gwaange, akuundanga amaziika gaange. ¹³ Amananu nkubakoba nti enjiri eni buligyeyabuulirwaanga omuunsi zoona, nolweekyo omukazi onii yakooore ekyabazibwangaku okumwiizukira. ¹⁴ Awoo omwe okubbo eikumi nababiri, eteetebwaanga oYuda isikaryoti nayaba edi abakabona abakulu. ¹⁵ Na koba nti mukwiikiriza kumpa ki naanje ndimuwaayo gyemuli? namugeera ebituundu byampiia amakumi asaatu. ¹⁶ Nasookera awoo okutoolya embaga niyamuwaayo. ¹⁷ Naye okulunaku olwekerere olwamigaati egitaazimbulukusiibwe, abeegesebwa nibaiza edii oYeesu nibakoba nti okweendya tuteekereteekere ayii okwaakala ku giwakuliire? ¹⁸ Nabakoba nti mwaabe omukibuga ewanaanka, mumukoba nti omweegeaya okobere nti ekiro kyange kiri ampi okwika; awaamu gyendiira okwaakalaku nabeegesya baange. ¹⁹ Abeegesya nibakola nko Yeesu nalagiire; nibateekateeka okwakalaku. ²⁰ awoo obiire nibwaswekere, naikala okulya nabeegesya eikumu nababiri; ²¹ Era baali bakulya nabakoba nti kamazima nkubakoba nti omwe okunywe akwizwa okuundyamu olukwe. ²² Nibanyolwa muno nibataandika okwebuulya kinomwe nga bakobaangana ntimukama waange niinje? ²³ Naye nairamu nga akoba oyoo okozerye amwe naanje omukibya niye yaandyaamu olukwe. ²⁴ Omwaana wamuuntu akwaaba, nkaniyandiikirwe: ale zisaangire omuuntu oyo eyandyaamu olukwe olwamwana wamuuntu; kyandibbaire kisai edii oyo siinga tiyabyaliibwe muuntu oyo. ²⁵ OYuda eyamuliiremu olukwe nairamu namukoba nti labbi niinje? namukoba nti niiwe obazire. ²⁶ Era bwaali bukukya, oYeesu natoola omugaati niyeebalya nagumeenyamu; nawa abeegesebwa nabwkoba nti mutoole mulye, guni nigwo mubiri gwaange. ²⁷ Natola ekikoompe niyeebalya, nabawa nga akoba nti munywe okukini nyweena; ²⁸ Kubba guni nigwo musaai gwaange ogwa ndagano, oguseenseka okulwabaingi olwakuyowo ebibbi. ²⁹ Naye nabakoba nti tiindinywa nakadooli okwekeera leero okuguni ogukwiiza amwe naanywe omubwakabaka bwa ito waange. ³⁰ Nibamaare okweemba nibawuluka okwaaba okulusozi zeyituuni. ³¹ Awoo oyeesu nabakoba nti nywe nyweena mwesitaala okulwange ekire kini: kubba kyawandiikibwe nti ndikubba omusuumba nentaama eza mukisibo ziri sasanizibwa. ³² Naye niindi mala okuyiimbooka, okwaaba eGaliraaya. ³³ Naye opeetero nairamu namukoba nti; boona nibesitaala okulwaamu, nje tinesitaalenge nakadooli. ³⁴ OYeesu namukoba nti amazima nkukoba nti omubwiire obwo onkonko yabba akyali kukooka okwaaba kuneegana emiruundi isaatu. ³⁵ OPeetero namukoba nti nebwekyaabanga kisaine okufeera amwe naawe, tinakweegane nakadyooli nabegesebwa boona nikola batyo. ³⁶ Awoo oYeesu naika nabo omikifo ekikwetebwa gesusemani, nabakoba abeegesebwa baa mwe nti mwikaaere anii nyabe ndamwe. ³⁷ Natwala oPeetero nabaana bazebidaayo boona natandika okunakuwala nokwelakiira. ³⁸ Awoo nabakoba ntiomwooyo gwaange guliku ekibalaazi kiingi, kikwaaba kunyita: mubbe anii mwikale nanje. ³⁹ Natanbulaku kadooli, naculeera, Naramya, nakoba nti ii itewaange onkomyo eni enzweeku nikyaaba kikusoboka, naye tinkanje ninkweendy naye nkawe nokweendyaa. ⁴⁰ Naira1mu edi abeegesebwa nabasanga nga basirye, na;koba oPeetero nti timusobweire kubonnya naanje nasaawa emwei? ⁴¹ Mubonye miramye, muleme kwiingira mukemwa: omwooyo nigwo gukweendya naye omubiri gunaki. ⁴² Era nayaba omuruundi ogwakabiri, naramya nga akoba n ti ite wange nikyaabba kini nga tikikusoboka kunk digaku, naye nje okukinywa, kyaatakire kikolebwe. ⁴³ naiza era nayaja nga babasirye, kubba amaiso gaabwe gaali gakulemeera. ⁴⁴ Nabaleka era nayaba, naramya omuruundi gwa kasatu, nabaza era ebigambo nibyo bimwe nabiddi. ⁴⁵ Awoo naiza edi abeegesebwa nabakoba nti mubbasirye kaakimwe, muumule: bona ebiro biri ampi omwaana wamuuntu aweebwe omumikono gyabaina ebibbi. ⁴⁶ Mwiimuke twaabe bona, akuuundya olukwe ali ampi okwiika. ⁴⁷ yaali akyabaza bona oYuda omwe okwiikumi nababiri, naiza nga aluna ebibiina biingi ebirina empirima nemiigo, nga bakuzwa edii abakarbona abakulu nabakaire babantu. ⁴⁸ Na ye oyo amulyaamu olukwe, yabaire akatmanyisyo nga akubakoba ogwangana omuumbanda, nga aizire mumukwaate. ⁴⁹ Amaangu ago naiza wali, oYeesu

nabnakoba nti mireembe seregenyi, era olabbi namugwa muno omuumbanda. ⁵⁰ OYeesu namukoba nti mwirange, kola ekyakuleetere. awoo nibaiza oYeesu nibamuteekaku emikono miba mukwaata. ⁵¹ Bona omwe okwaabo abaali no Yeesu nagolola omuikono nayayo ebyakulwaanisa byaamwe natemaku omwiiru wakabona asiinga obukulu namusala ku okutwi. ⁵² Awoo oYeesu namukoba nti ekyakulwaanisa okyo kiizire omukifo kyaakyo kubbanga obo boona boona abakolesya aebyakulwaanisa bali ffa byakulwanisa. ⁵³ Oba okulowooza tinyiiza kwegayiira ote waange nampeereza,. anti abatumba banyamwaamnga okusiinga ebituundu eikumi nebibiri? ⁵⁴ Ale byaikiira bityai ebyandkiibwe mbu kigwaniire okubba kityo? ⁵⁵ Omubiro ebyo OYeesu nakoba ebibiina mukwiisanana abaizire nimwiibbi nebyakulwanisa nemiigo okunkwaata? naikaaraanga buliizo omukanisa nga akweegesya nimutaankwaata. ⁵⁶ Era ebibiina byoona bikire abalaguli bye bawaandikire era bikiire, awoo abagoberezi boona nibamuzwaamu nibamwiiruka. ⁵⁷ Nabaandi abakwai te oYeesu, nibamutwala ewa Kayaafa osabaasuumba eisiinga obukulu abawaandiki nabakaire, gyebakuumbaniraanga. ⁵⁸ Naye OPeetero namuzwaangaku ekaizuli, okwiika omukigaango kya sabasuumba asiinga obukulu naingira omuunda naikaa ra nabaweereza abone gyebyaweera. ⁵⁹ Naye abasuumba abakulu abaali omulukiiko boona nibaswaagana obujuurwa obwabubeegi okuYeesu leke bamwiite. ⁶⁰ Nibaabulyabulya niwankubaire obujuurwa bwabubeegi baingi baizire. na rye olwamaare nibaiza babiri. ⁶¹ nibakoba mbu oni akobere as obola okunaga omiikumbaniro .Iya Nyamwanga nokujombokera enaku eisatu. ⁶² Omusuumba omukulu nayemeera nakoba mbu toira ngamu nakadooli kigaambo kyabairaawo kyebakulumiirya? ⁶³ Naye oYeesu nasirika omuliisya nakoba nti nkulangiira oNyamwanga omukulu ukobere kubaanga niwe kurisito omwaana wa Nyamwanga. ⁶⁴ OYeesu namukoba nti obalize: naye namukoba nti okusooka ereero mulibona omwaana wa muuntu nga aikaire okumukono ogulyo ogwamaani nga akwiizira omubiccu bya mwiiguru. ⁶⁵ Awoo omuliisya asiinga obukulu nayonola ebizwaro byaamwei nakoba nti onyoomere oNyamwanga twenderyaki abajuurwa bona muwuure anti okutyobola kwaamwe. ⁶⁶ muli erowooza mutyai? nibairamu nabakoba nti agwaaniire okuffa. ⁶⁷ Awoo nibamuccwaku amaccwantai omumaiso gaamwe niba mukubba entomi abaandi nibamukubba empi. ⁶⁸ Nga bakoba nti tulagule kurisito nani okubbire? ⁶⁹ naye oPeetero yaali aikaire omukigaango omwaala niyamaare naiza jaali, namukoba nti weena waali amwe no Yeesu omugaliraaya. ⁷⁰ Naye niyeeganira omumaiso gabaantu boona boona nga yokoba nti tinkimaite. ⁷¹ Naye niyawuliireku okwiika omukisasira omwaala owoondi namubona nakoba abaaliwo nti oyo yaali amwe no Yeesu kurisito omunazaleensi. ⁷² Nairamu niyeegana nalaira nti omuuntu oyo timumaite ⁷³ Wayakaire wo akabbanga kadooli abali bemereire awo nibaiza nibakoba oPeetero nti weena olimwiira waabwe kubaanga olubazo lwamu lukulangire. ⁷⁴ Awo naboneka okukolima nokulaira omuuntu oyo timumaite, amaangu ago onkonko nakooka. ⁷⁵ OPeetero naizukira ekigaambo oYeesu kyeyakobere nti onkoko yaabba akyali kukooka olineeganira emiruundi isatu. nawuluka enzai nakuunga muno maaliga.

Chapter 27

¹ Naye obwiire nibwakyanganukire abakabona nabakaire babantu nibateesa amwe ebya yeesu okumwiita: ² Nibamubbwa, nibamutwaala, nibamweryayo edin oPiraato owasaza. ³ Naye oYuda oyo ayamuliiremu olukwe, niyabweine omusaango gumusiingire, niyezukya nairirya abakabona abakulu nabakaire ebituundu ebyo amakumi asatu ebyansiimbi. ⁴ Nga akoba nti nasiisire okkulyaamu olukwe omusayi onambula kabbi. ale boona niba mukoba nti guni guli kuiswe? omusaango gwaamu. ⁵ Empiia nazinaga omuyeeekalu nawuluka nayaba niyeziinda. ⁶ Ale abakabona abakulu nibatwaala ebituundu bidi ebyampipiya nibakoba nti kyamuziro okubiteeka omwukumbaniri lya Nyamwanga, okubba nti mwendo gwamusaayi. ⁷ Nibateesa, nibazigulamu olusuku lwa mizabbibbu oziikaangamu abagenyi. ⁸ OLusuku ludi niyo luzzwa lweetebwa olusuku lwamusaayi naati. ⁹ Awoo nikyaikirire ekyabaziibwe omumulaangi Yeremeya, nga a koba nti nibaatwaala ebituundu byampiia amakumi asatu, omweendo gwamusayi gwebaalamwiire omweendo, abaantu okubaana ba Isiraeri gwebaalamwiire ¹⁰ nibabiyamu olusuku lamizabibu, nkonyamwanga niyandagire. ¹¹ Awoo oYeesu nayeneera omaiso gawasaza: owasaza nabuulya nga akoba nti niwe omukama wabayudaya? OYeesu namukoba obazire. ¹² Abakabona abakulu nabakaire nibamuloopera, natairamu nakadooli. ¹³ Awoo OPiraato namukoba nti tokuura bigaambo bini byeba kulumiirya? ¹⁴ Naye tiyamwiiremu kigaambo kyoona: owasaza niyewunya muno. ¹⁵ Naye okumbaga, owasaza yaalina eneyakalya okusiindabula nga ekibiina omubo omwe, gwebayeendyaanga. ¹⁶ Nomubiro ebyo baalina omubo gwetejanga akweetebwa balaba. ¹⁷ awoo nibakumbaine, OPirato nabanti alayi gwemukutaka mbataisiryey? balaba oba Yeesu, akweetebwa kurisito. ¹⁸ Kubba ye yamaite nga bakumuweesyayo bwiya. ¹⁹ Ale niyagangaime okunsaro yamisango, omukazi waamwe namusiindirya obukweenda, nga akoba nti omuntu oyo Omwiikiri tomukola kiintu nakadooli: okubba nalumirwe ereero biingi omukirooto okulwamwe. ²⁰ Ale abakabona abakulu nabakaire niba kohera ebibiina okutoolayo obalaba, balikiirye OYeesu. ²¹ Ale owa saza nairamu nabakoba nti okwaabo boona alayi gwemukwandya mubasiindabuure? nibakoba Balaba. ²² Opiraato nabakoba nti nkole ntyai OYeesu akwetebwa okurisito? boona nibakoba ntin akomeerwe. ²³ Ale nababuulya nti lwaaki? ekibbi kyakoore kirai? ale nibalwaana muno, nibakoba akomeerwe. ²⁴ Naye Opiraato niyabweine nga tiyasoboroore nakadooli, nga batabukire okulwaana, nalola amaizi, nanaaba omuungalo nomumaiso nekibiina nga okaba nti nje tiindiku kabbi: olwamusaayi gwamuuntyu oni omwiikiri: musaango gwaanywe. ²⁵ Abaantu boona nibairamu nibakobangana nti omusayi gwaamwe gubbe okwiiswe, nokuguma kwaiswe. ²⁶ Ale nabasiindabuura oBalaba, naye oYeesu namukubba enkobba nayanga namuweeryayo okomeerwa. ²⁷ Awoo abajaasi bawaisaza nibatwaala oYeesu omukigaango kya nsaa yamisaang, nibakumbaniryaako ekitoongole kyoona. ²⁸ Nibamwambula, nibamuzwalikisya olugoye olumyuuki, ²⁹ Nibaluka engule eyamawa nibagita okumutwe gwaamwe nibamiduula nga bakoba nti mireembe. mukama wa bayudaaya; ³⁰ Nibaccwera amaccwantai, nibakwaata ekibiingo kidi nibamukubba omutwe. ³¹ Awoo nibamaare okumuduula, nibamwambulaku olugoye, nibamuzwalikisya ebizwaaro byaamwe, nibamutwaala okomeerwa. ³² Naye nibaali bakuuluka, nibaaja omuntu omukuleene, eibara lyaamwe niye simooni omusalaba gwaamwe. ³³ Nibaikire omukifo ekikwetebwa Gologoosa, kikumanyisya nti kifo kyakyangala, ³⁴ Nibamuweerya Enguuli okunywa atabwiirwemu omusayi: naye niyalozereku natayee kunywa. ³⁵ Nibamaare okumukomeera, nibagabana ebizwaaro byaamwei; nga bakubba akaluulu. ³⁶ Nibaikaara awo nibamwegeka amaiso. ³⁷ Nibata aiguru okumutwe gwaamwe omusaango gwamwe oguwandikiirwe nti oni niye oyeesu omakama wa bayudaaya. ³⁸ Nabanyagi babiri nibakomeerwa naye, omwe okumukono ogulyo owoondi ogumoso. ³⁹ abayakalaanga nibamuzuma, nga bakuteengetya emitwe gyaabwe, ⁴⁰ Nga bakoba nti; we ayeendya eyeekalu okujombokera enaku eisatu zwa okumusalaba oniinuke. ⁴¹ Abakabona a bakulu nabaandiki, nabakaire nibaduula batyo nga bakoba nti; ⁴² Yawonyanga baandi; tikisoboka kwewonya yeenkai. niye mwaami wa Isiraeri; aniinuke ati okumusaalaba, naiswe twamwikiriza. ⁴³ Yeesigire ONyamwanga omwe ati, oba omutaka okubba yakobere nti mwaana wa Nyamwanga. ⁴⁴ Aba nyagi abakomererwa naye era boona nibamuzuma batyo, ⁴⁵ Naye okuzwa okusaawa yamukaaga kyaali kirikiirya okuunsi yona okwiika okusawa yamwenda ⁴⁶ Obiire nibwakeire esaawa nkomwenda oYeesu nabazira iguru neiraka likooto nga akoba nti Eri, Eri, lama sabakusaani? akamanyiso kakyo nti oNnyamwanga wange, Nnyamwanga waange, kiki ekikundekeeserye? ⁴⁷ Naye abaandi baali bemereire awoo, nibawuliire nibakoba nti oni akweete Eriya. ⁴⁸ Amaangu ago omwiira waamwe nairuka nakwaata ekyangwe nakiizulya enguuli egyiindi nakita okukibiingo namunywesya. ⁴⁹ Naye abaandi nibakoba nti leka tubone oba Eriya yaiza amuwonye. ⁵⁰ naye OYeesu nabazira aiguru te neiraka erikooto, naaisya omwooyo gwaamwe. ⁵¹ Bona ekitiimbe kya Yeekalu

nikyonokamu bibiri okuzwa aiguru okwiika ansi, Ensi neteengeta; nizaatika: ⁵² Embi niziswekuka; Emituumbi ziingi ezabeeruki abaali babbasirye nigiyimboka; ⁵³ Nibazwa omuumbii nibamaare okuyimbooka, nibayingira omukibuga ekyeruki baingi nibabba boona. ⁵⁴ Naye omwaami wakitoongole, nabaandi abaali naye nga bakoleera OYeesu, nibaabwoine ekitengeeto, nebigaambo ebibbairewo, nibatintibbala muno,m nibakoba nti mananu oni abbaire omwaana waNyamwanga. ⁵⁵ Waliwo nabakazi baingi abayemereire Alayi nga bakuleeba, abatambulaanga no Yeesu okuzwa eGaliraaya., abamuweerezaanga. ⁵⁶ Omwaabo mwalimu oMaliyamu magudalene, nomaliyamu omaama wa Yakobo noyesse, nomaama wa baana ba Zebidaayo. ⁵⁷ Naye obwiire bwaali bukuswekeerya, naiza omuuntu omuguuda, eya zwiire eLimasaaya, eibara lyamwe Isufu era yeena yaali mwegesya wa Yeesu. ⁵⁸ Oyo nayaba edi Opiraato, nasa ba omutumbii ogwa Yeesu. awo Opirato na duumira oguweerya. ⁵⁹ OYusufu natwaala omutuumbi, nagiziringa omubbafuta egyeeru, ⁶⁰ Naguta omuumbbi yaamwe egiyaaka, gyeyasakire omulwaazi: nairingitya eibbale erikooto narita okumulyaango gwambi nayaba. ⁶¹ Waliwo OMaliyaamu magudaleene, nomalitaamui owakabiri nga baikaire omaiso gaambii. ⁶² naye emambya nilwo olunaku olwairire olwakutegekera abakabona abakulu, nabaFalisaayo nibakumbanira ewa Piraato, ⁶³ Nabakoba nti omwaami, twikiriize omubeegi eyakobere nga akyaali mwoomi nti; enaku nazaali yakalawo eisatu ndi yimbooka. ⁶⁴ Ale duumira baliindiirye kyaarumwe, amalaalo okwiikya ekyakusatu, abeegesya baamwe bayiinza okwiiza okumwiibba, bakobe abaantu nti Ayiimbokere embaswiire okwaluvanyuma kulisiinga kudi okwasokere. ⁶⁵ OPiraato nabakoba nti, mwiina abakuumi baanywe mugakuumire kimwe nkanimukusobola. n ⁶⁶ Boona nibaaba, nibagakuumira kimwe amalaalo, eibbale nibalitaaku akamanyisyo nabakuumi nga baliwo.

Chapter 28

¹ Naye olunaku lwasabbiti nga luli ampi okuwaaku, nga olunaku lwaluberyeberye omunaku omusanju lulampi okukya Malyamu Magudalene no malyamu owa kabiri nibaiza okubona amalaalo. ² Bona , niwabbawo okukaankana okoto okuunsi, kubaanga omalaika wamukama yazwiire omwiiguru, naiza nayiringitya eibbale okuriyawo, narikalaku. ³ Naye ekisani kyaamwe kyaali kikumasamasa, nengoye zaamwe zaali zikweera nko obutiti. ⁴ Era okutiinisa kwaamwe nokutintibbalya abakuumi baamwe, nibabba nkabafiire. ⁵ Naye amalaika nairamu nakoba abkali nti nywe timutiina: kubba nkukimanya nti mukutoolya yeesu eya komereirwe. ⁶ Taliwo anii, kubba azuukiire, nkaniyakobere. mwiize, mubone ekifi omukama mweyagalamiire. ⁷ Mwaabe maangu, mukobere abagobeeri baamwe nti azukiire omubaafiire; bona abakukulemba okwaaba eGaliraaya gyemwaali mubonera: boona mbakobeire. ⁸ Nibazwa maangu okuntaana, nentiisa namasanyu riingi, nibairuka okubea abgobeeri bae, ⁹ Bona oYeesu nabaitirana nakoba nti mireembe. nibaiza nibamukwaata okumagulu nibamusia. ¹⁰ Awoo oYeesu nabakoba nti timutiina, mwabe mukobere abagaanda baange nti baabe eGaliraaya nijo balimbonera. ¹¹ Naye nibaali bakwaba, bona abakuumi baamwe nibaiza omukibuga, nibakobera abakabona abakulu byoona byoona ebibbairewo. ¹² Nibakuumbana amwe nabakaire nibateesaganya amwe. nibabaweerya effeza ziingi, ¹³ Nibakoba nti mukobaanga abagobeeri baanywe baizire obwiire niba mwiiiba iswe nga tubbasrye. ¹⁴ Naye ekigaambo kini nimwaali kikobera abaisaza, twaali muwooya wooya nyweena tuli bayaku emusaango. ¹⁵ Boona nibatwaala effeza, nibakola nkanibabalagiire: ekigaambo kini nikiizula eBuyudaya paka olwaleero. ¹⁶ Naye abagobeeri eikumi noomwei nibaaba eGaliraaya, okulusozi oYeesu gyeyabalagiire. ¹⁷ Nibamubweine niba mugulumiza: naye abaandi nibatamwekakasa. ¹⁸ oYesu naiza nabaza nabo, nakoba nti mpebeibwe obuinnza bwo bwona omiguru okunsi. ¹⁹ Kale mwabe, mufule amanga gonna abagoberi, nga mukubaatiza okwingira omwibara ryaite waiswe nomwana nomwoyo omwikiri ²⁰ Nga mubegesya okwata byona binabalagire nywei; era bona, nje ndi amwe nanywe enaku zoona, okwika emirembe gini nigiwawo.
